

太上靈寶朝天謝罪法懺卷一

爾時

元始上帝太上道君太上老君在大羅天上玉清聖境大福天中七寶紫微之臺大會羣仙講演正一懺法施大威力布大祥光普照無極世界善惡因緣開一切眾生令知宿命罪福過去未來三世報應之事是時諸天大聖燒香朝拜列班侍衛仰聽法音

元始上帝放九色神光照徹諸天下及萬國威神變化洞徹無闕皎在目前猶如指掌左右羣仙乘此威光照諸天下善惡因緣內外備盡見有大聖高尊頂負圓光身相嚴妙或駕景乘空

道藏輯要

朝天懺
卷一

壹

柳集三
八日三

騰龍馭鶴飛雲布虛鸞輿鳳蓋遨遊八極逍遙無爲神通自在或見天仙子金童玉女無鞅數眾福德快樂或見諸仙持旛持節燒香散花分身變化或見飛天神王善惡童子巡遊人間滌錄善惡以奏諸天或見日月宮殿星宿寶宮山河湖嶽靈官考較人民善惡功過豪分不失時有十華真人與諸天大聖燒香朝拜上奏至尊今日得詣瓊軒觀聽妙會參侍左右願施威力建大法橋接引羣倫咸使得道永出沉迷是時

元始上帝告左右侍眞曰卿等羣仙隨吾祥光下觀萬國大地山河兆民善惡報應崇建功德廣種福田者一一皆受諸天人福見有帝王后妃將相大臣正殿燒香廣陳供養修奉齋醮轉

禮經懺爲一切人天禳災祈福見有帝王后妃將相大臣卑身
下物廣持百寶供養諸天見有帝王后妃將相大臣建立宮殿
塑造聖像轉經禮懺爲一切人天廣求福利見有帝王后妃將
相大臣散施財寶救濟貧窮老病困苦見有帝王后妃將相大
臣常行慈悲不行殺害不奢不費常行儉約見有道士賢者修
建靈觀星壇寫經造像見有道士賢者斷穀休糧清淨身心誦
習經典見有道士賢者放生續命濟惠貧乏見有道士賢者翹
勤星漢以求輕舉見有道士賢者忠孝君親慈愛和友見有帝
王國主文武大臣遊獵殺害傷殘百姓見有帝王國主文武大
臣酷雪嚴刑人民困弊見有帝王國主文武大臣貪淫貪慾恣

道藏輯要

朝大懺
卷一

二

柳集三
六百八十八

縱六情宴樂無度見有帝王國主文武大臣毀壞宮觀燒除法
宇見有帝王國主文武大臣輕慢出家凌辱法師苦痛刑害見
有帝王國主文武大臣輕慢天地日月星辰鳩毒善人見有男
女誹謗出家法身於宮觀中行諸淫慾殺害群毛穢污福地見
有男女殺害父母忤逆不孝違天負地不信罪福見有男女偷
盜常住三寶供養財物花菓幡幢見有男女悖道叛師違盟負
誓抵債欺心見有男女枷鎖牢獄鞭笞拷打殘害身形見有男
女六形不具癡聾瘡癰手足攣縮見有男女愚痴憨騃風癩顛
狂見有男女毒蟲猛獸吞螫搏噬見有男女中道分離不孝於
親見有男女子母分張賣身奴婢見有男女身體破裂膿血潰

爛又見地獄足履刀山肢體斷壞又見地獄手攀劍樹肢節分
張又見地獄吞火食炭遍身煙出又見地獄碓擣磙磨屑屑如
粉又見地獄身抱銅柱形體焦枯又見地獄身卧鐵床肢流火
爛又見地獄鑊湯煎煮清潰爛壞又見地獄鋸解身形遍體流
血又見地獄硃石逼身毛孔迸血又見地獄身涅寒冰遍身破
裂又見地獄頭帶火山身面焦枯又見地獄鐵鳥啄睛皮肉分
張又見地獄拔出其舌鐵錐刺之又見地獄挺及溟波以灌四
瀆又見地獄負石填河晝夜不息又見有受身餓鬼者又見有
受身六畜牛羊猪狗者又見有受身邊夷下賤者又見有受身
六疾聾盲瘡痂手攣腳跛者又見有受身蟲獸蠅蛆者又見有

道藏輯要

朝天懺謝罪法懺
卷一

三

柳集主
大日三川

受身溺虫於泥中者又見有受身惡虫鳥獸魚鼈蝦蟹者是時
法會中一切大聖神仙見諸天諸地中有如此報應因緣罪福
不同不知前生何修今生何犯前生何福今生何罪或是先世
種因殃流子孫或是一身種孽受此業報伏願
天尊大慈垂賜方便令一切羣生曉悟宿命因緣罪福報應諸
天賞罰毫分不差若啟虔心依凜聖言皆獲超度

元始天尊再謂左右侍真曰下界若有志人信善發無上道意
大捨財寶救濟貧乏放生續命建七寶妙臺立

三清聖像建節燒香大醮天地百靈天宮星宿百珍供養者吾
遣太乙救苦天尊於太極宮中開丹簡紫文出天尊懿號稱揚

讚嘆吟咏洞章乞削落九幽長夜之魂解釋七祖父母歷劫辛苦罪殃纏結併皆赦原魂生天堂逍遙無爲衣食自然增無量福消無邊罪功德巍巍皆得超度是以燒香皈身皈命五體投地志心朝禮

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

上靈高道聖祖司命保生天尊大帝

南極聖主紫微上宮天皇帝

道藏輯要

朝天謝罪法懺
卷一

四

柳集十三
四

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青宮大帝太乙救苦天尊

眞明大聖九天應元雷聲普化天尊

九天雷祖大帝除災利物天尊

紫微碧玉宮太乙天帝保制劫運天尊

六天洞淵大帝伏魔上上太乙天尊

綠波天上帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中立靈元老洞真天尊

東方玉清降福天尊 東方玉寶皇上天尊

玉清妙真天尊 上元普朗天尊 洞明朱極天尊

安神丹元天尊 真相七朗天尊 金仙妙彩天尊

道藏輯要

朝天謝罪法懺

五

柳集十三

又玄重玄天尊 靈真妙成天尊 上宮玄光天尊

大道明廣天尊 解脫玄化天尊 開靜紫清天尊

法海經寶天尊 丹元洞視天尊 妙樂丹素天尊

雲宮大行天尊 金闕妙樂天尊 太清真道天尊

真嚴常濟天尊 逍遙三光天尊 太元玄老天尊

正啟空寂天尊 最妙丹元天尊 瓊威法海天尊

高運空霄天尊 保命開運天尊 妙尊靜玄天尊

應元渾成天尊 洞玄八景天尊 道運玄化天尊

金玄凝光天尊 德光化成天尊 因果玄會天尊

太玄道運天尊 真空東華天尊 應明大運天尊

眞元萬道天尊 洞元應玄天尊 高皇丹天天尊

至運明化天尊 上品內明天尊 懸珠妙光天尊

至德應功天尊 仙嚴常濟天尊 解脫運明天尊

上運應道天尊 聖王臨軒天尊 昇玄洞靈天尊

凝彩金像天尊 妙樂朱宮天尊 無量克成天尊

救生法雲天尊 長生大聖天尊 運明太玄天尊

妙觀仙京天尊 功至德成天尊 隱明聖眞天尊

高運文明天尊 道空眞際天尊 照迷靈仙天尊

妙金寶藏天尊 如意化成天尊 文明玄道天尊

遍明廣運天尊 運明廣行天尊 上宮瓊煥天尊

道藏輯要

朝天謝罪法懺
卷一

六

柳集十三
四〇八

妙樂凝玄天尊 金妙藏彩天尊 妙道化明天尊

長存紫元天尊 常聞秘藏天尊 西靈感化天尊

瓊煥法海天尊 自在神通天尊 冠法太清天尊

金宮妙彩天尊 廣道景明天尊 保生開徧天尊

瓊海會法天尊 東華法寶天尊 開光丹景天尊

道廣神廣天尊 開間智功天尊 三宮法通天尊

丹眞天皇天尊 延筭元慧天尊 響道濟運天尊

上運行澄天尊 洞玄八威天尊 玉宮開化天尊

隨行應元天尊 道開空洞天尊 運明慧行天尊

眞仙普朗天尊 眞品澄清天尊 眞文八會天尊

通道真會天尊 因果寶秘天尊 丹天煥明天尊

太元上真天尊 隨願往生天尊 尊聲救苦天尊

大慈大悲救苦真人 大慈大悲救度真人

大慈大悲大惠真人 大慈大悲慈悲真人

大慈大悲妙覺真人 大慈大悲慈惠真人

大慈大悲惠相真人 大慈大悲明解真人

大慈大悲善覺真人 大慈大悲慈念真人

大慈大悲智觀真人 大慈大悲慈愛真人

大慈大悲常樂真人 啟元天師

道光天師 開化天師

道藏輯要

卷一 朝天謝罪法懺

七

柳集十三
川月公三

進山天師 重光天師

清朗天師

元始上帝告諸神仙曰吾今以此天尊寶號真人天師名位遣

玉清真人齋往下界萬國九洲散佈人天傳寫禮誦若有修真

之士集福之民或遇八節三元本命之日上為

帝王帝主燒香散花珍異百菓大醮星辰供養名山洞府得道

神仙安鎮國祚與天齊年萬邦熙洽四海同文神昇金闕名列

玉清天無氣穢真國咸甯功德巍巍福禧無極志心朝禮

玉屋山小有清虛洞天仙官 委羽山大有空明洞天仙官

西城山太玄極真洞天仙官 西玄山三玄極真洞天仙官

青城山寶仙九室洞天仙官 天臺山上清玉平洞天仙官
羅浮山朱明耀真洞天仙官 茅山金壇華陽洞天仙官
林屋山左神幽靈洞天仙官 括蒼山神德隱玄洞天仙官
霍童靈洞天仙官 東嶽泰山青帝真君
蓬玄太空洞天仙官 南嶽衡山赤帝真君
朱陵太虛洞天仙官 西嶽華山白帝真君
太極總山洞天仙官 北嶽恆山黑帝真君
太乙總玄洞天仙官 中嶽嵩山黃帝真君
上帝司真洞天仙官 峨眉山虛靈太妙洞天仙官
四明山赤水洞天仙官 陽明山極玄洞天仙官

道藏輯要

朝天謝罪法懺
卷一

八

柳集士三

元始上帝再告左右侍真曰吾今以此經懺散布萬國九洲十方世界若有奉道之民發無上道意遇三元八節之日爲國王帝主儲君太子燒香朝禮轉念三清寶號天尊真人名位者安鎮國祚保天長存世世不絕長爲人君冲妙先生朝拜禮謝金闕上帝而獻頌曰

上帝降命	聖算延長	金枝挺秀	玉葉弭芳
五星順遂	七曜垂芒	赫赫煌煌	空洞靈章
福我聖王	寶祚無疆	天清地靈	萬宇輝光

太上靈寶朝天謝罪法懺卷一終

太上靈寶朝天謝罪法懺卷二

爾時

元始上帝於赤明劫初在玉清大羅天上南丹開陽之館火鍊宮中大會羣仙四方天地無量天人玉童玉女持幡持節燒香散花吟咏洞章旋繞天臺龍燭鳳燈羅列照耀至尊聖德巍巍嘆未存見是時

元始上帝以大威力布大祥光普照十方無量國土皆同一相表裏開通亦如琉璃清雲無礙十方大聖一切侍真隨

至尊祥光下見十方萬國九州山河大地人民苦樂地獄天堂罪福果報如在目前是時諸天神王三府靈官列班朝禮進呈

道藏輯要

朝天謝罪法懺
卷一

壹

柳集十三
八月廿八

天下國土人民罪福之籍一一分明併無差忒是時有玉清真人金華真人與會中一切神仙燒香跼踏朝拜至尊今日忝預法筵面禮慈尊親聽法音開導塵迷咸使悟道實爲夙慶元始上帝告左右侍真曰吾常在玉清天中下觀一切兆民積善崇福者皆有福報見有廣造經像立觀度人佈施齋戒濟生度死普救一切者生國王帝主身供養三寶燒香然燈誦經禮懺廣造福田救災拔難者生皇后國母身信樂經法持齋念道佈施貧乏者生富貴聰明身常行慈悲濟生度死崇奉三寶燒香不怠者生清淨出家身信奉修行供養星辰者生長命清淨端正身成就宮觀建立靈壇者生富貴聰明身佈施救

貧成就功德無所吝惜者生天人中身不殺不盜不嫉不害者
生長命具足身供養三寶一念一切慈悲於物者生高上豪貴
身子孫昌盛長命富貴者從供養天尊大道星辰中來夫妻和
睦男女柔順者從不隔恩愛中來在處得人敬養甘膳美衣者
從敬奉天地信禮三寶中來見世尊勝豪貴見人畏懼者從敬
信三寶中來出家法身為人敬信者從說法教化中來富貴巍
巍永劫不衰者從佈施成就功德中來身心清淨智慧明了者
從護持經法中來所居快樂無諸災厄者從放生救物不害眾生
中來子孫豐足富貴長壽者從廣行佈施求福中來女人降生
貴子夫婦常敬愛者從道場教化信心中來形容端正笑語柔
量

道藏輯要

初天謝罪法懺
卷二

二

柳集十三
X 日 上 X

和眾人恭敬者從三寶持奉經戒中來已身福報皆夙世祖福
陰德種植致得今身之報或一身積善致使宿命善因得福無
量
元始上帝再謂左右神仙曰吾見毀壞天尊星辰大道形像者
死入九幽地獄。酆都拷罰。萬劫方生。病癰百虫啖噬穢身。訾毀
三洞經錄法典。改換品秩者。死入地獄。拷罰百劫。方生。野獸舌
根爛壞。身誹謗出家法身者。見世蟲癩。過去生六畜身。破壞宮
觀靈壇。毀拆真館者。見世眉髮墮落。身體爛壞。過去生毒蛇。餓
虎身。不敬天尊大道星辰者。見世愚癡。憨疾。過去生六畜鳥獸
身。不信經法。宿命報對者。見世為奴婢。過去生蠻夷虜狄身。輕

慢出家法師穢污三寶福地者見世跛躄過去生豬狗身淫犯
出家凌辱法師者見世形容腥臭過去生糞穢廁圉毒蟲身邪
淫好色不別尊卑者見世風邪過去生六畜豬羊牛馬身偷盜
常住財物及信施衣帛者見世顛狂過去生愚癡身偷盜三寶
花菓蔬菜齋食者見世得饑渴餓病過去生饑虎毒蛇身偷盜
齋供醮獻法食者見世逢霹靂虎害過去生蟒蛇毒蟲又生餓
狗毒鴆身罵詈出家法身惡言凌辱者見世得風癰惡疾過去
生狂狗猛獸身破齋犯戒者見世遭逢牢獄過去生蠅蛆螻蛄
身殺害眾生恣心宰殺者見世得短命疾病牢獄拷決身食肉
貪殺六畜者見世百病困苦過去生麋鹿野獸身嗜酒過度好

道藏輯要

朝天謝罪法懺
卷二

三

柳集十三
大日文上

食葷辛臭穢者見世風狂猛火焚燒過去生猿猴身死入地獄
鑊湯中又見一切眾生見世手脚斷壞拳縮跛足者從不敬三
寶星辰中來兩眼雙盲舌根爛壞者從毀訾經教輕忽三寶中
來瘡痍不能言語鼻塞不聞香臭者從誑說出家不信經法中
來眉毛墮落唇擦舌露鼻梁崩裂者從破壞道場誹謗三寶中
來顛狂迷妄形容醜陋者從噴噀傲慢非笑出家法身中來劫
賊相逢傷害財物者從劫奪三寶常住財物中來水溺漂沉魚
龍傷害者從損壞三寶常住中來火焚灼爛毒蛇吞噬者從殺
害出家毀拆觀舍中來毒蛇入口吐血臭穢者從惡口咒咀叫
喚鬼神中來毒蛇入孔竅食啖虎狼猛獸傷害者從陰謀毒害

欺心中來、父母妻子離隔、常不同居、晝夜相罵者、從嫉妬姦淫、破人和合、離人骨肉中來、堪淫不避親疎、好醜者、從猪狗六畜中來、嗜肉好殺、嗜酒猖狂者、從魚鼈蝦蟆毒虫猛獸中來、身體穢污不淨、臭穢者、從蝌蚪毒獸中來、生牛六畜者、從殺害眾生、負諱抵債中來、野獸麀鹿、蝮蠍蟒蛇者、從嫉妬毒害陰謀中來、餓虎豺狼者、從欺凌劫奪殺傷中來、厠溷穢蟲、蝦蟆蝌蚪、螻蛄蟻者、從輕藐三寶、不生敬信中來、獠犬野猪、魚鼈怪蟲者、從背師弃本、違法經教中來、燕雀鳩鴿者、從評論經法、自作口業中來、鷹鷂鷲鳥者、從犯觸出家、破壞經教中來、墮子落胎、腹大頂細者、從非笑三寶、傲誕出家中來、牢獄枷鎖、拷掠切身者、從陷毒阿

道藏輯要

朝天謝罪法儀
卷二

四

柳集十三
XO LX

黨殘虐負下中來、鞭笞楚打、枷鎖牢獄者、從毒害貪虐中來、猫犬野豺、豺狼狐貉者、從貪悖虐誕矯詐中來、鼠鼯蜈蚣、蚰蜒生身者、從陰毒妬害中來、蜂蠆蠍毒、蠅蚋蜥蜴者、從咒咀出家、欺忽三寶中來、蜘蛛蚰蝥、蚊蚤蚤蟲者、從慢法輕道、咲謗經籍中來、邊夷下賤、禿頭斷髮、眼深鼻長、身體腥穢者、從殺生邪淫不信、因緣中來、

元始上帝告左右侍真曰、以上罪業死經地獄、受諸拷罰、歷劫方生、受得此身、亦有見世業報、生身所犯罪福、因緣一一明示、各須澄心懺悔、獲福無量、

元始上帝再告左右侍真曰、下界若有奉道信心男女、發無上

誠心爲皇貴妃、七廟宗厯建

三清寶座、五帝星壇、掛幡獻花、百珍異菓、然香點燈、大醮星辰、拔贖魂儀者、吾遣太乙救苦天尊、開朱陵之闕、丹簡紫籙、出天尊懿號、讚嘆稱揚、吟咏洞章、解釋九幽滯魄、宿業罷散、五道開通、逍遙無爲、超生福果、一切罪犯、併得消除、是故燒香皈身、皈

命五體投地 志心朝禮

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

道藏輯要

朝天謝罪法懺
卷二

五

柳集十三
川〇上

上靈高道聖祖司命保生天尊

南極聖主紫微上宮天皇大帝

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青宮大帝太乙救苦天尊

真明大聖九天應元雷聲普化天尊

九天雷祖大帝除災濟物天尊

紫微碧玉宮太乙天帝保制劫運天尊

六天洞淵大帝伏魔上上太乙天尊

六波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

南方延壽益算天尊 南方玄真萬福天尊

道藏輯要

朝天謝罪法懺
卷二

六

柳集十三
川北

湛寂法雲天尊 智力法善天尊 東華開化天尊

三天獨尊天尊 太清道成天尊 朱玄妙道天尊

惠遍道運天尊 敷恩丹景天尊 太清五帝天尊

真戒寶敷天尊 應明高運天尊 愛樂太洞天尊

玄廣道運天尊 天皇上帝天尊 法性徧開天尊

遍悟上元天尊 道運神開天尊 凝彩神映天尊

無爲應妙天尊 救苦慈航天尊 神通妙運天尊

玄範法通天尊 至德寶明天尊 常開光明天尊

鏡心妙光天尊 浮雲法王天尊 開慈靈廣天尊

瑤琚法寶天尊 玄道明文天尊 萬運徧道天尊

真人仙映天尊	眞尊仙道天尊	玉山紫館天尊
常行運明天尊	無滯至眞天尊	言成眞道天尊
道上明照天尊	清源大願天尊	等觀重玄天尊
不二至性天尊	明徧慧道天尊	果成虛無天尊
道運慧空天尊	玄通妙達天尊	南極寶輪天尊
眞空眞寂天尊	化彼無際天尊	運明神行天尊
太清七寶天尊	開清護生天尊	金明極緣天尊
靜定德重天尊	玉帝太玄天尊	無礙等眞天尊
三界寂然天尊	解脫照空天尊	救物應念天尊
明響眞道天尊	湛然三元天尊	空洞無礙天尊
霞煥上宮天尊	法寶靈顏天尊	金神玉寶天尊
太清洞視天尊	煥明丹天天尊	妙金光素天尊
七暎北元天尊	正眞戒生天尊	上仙延壽天尊
中宮大行天尊	響明上道天尊	大行西靈天尊
廣訓仙靈天尊	重悟紫清天尊	垂範玉清天尊
晨極天皇天尊	大慧玄明天尊	丹元決定天尊
得解上元天尊	玄輝仙德天尊	譬喻方便天尊
紫清普果天尊	護生開霞天尊	寂然化虛天尊
空生諸有天尊	明響神道天尊	玄會明感天尊
黃光通明天尊	度脫眞品天尊	慧通照明天尊

道藏輯要

朝天謝罪法懺
卷二

七

柳集十三
四月十一

隨願往生天尊 慈悲救苦天尊

大慈大悲救苦真人 大慈大悲救度真人

大慈大悲大惠真人 大慈大悲慈觀真人

大慈大悲普救真人 大慈大悲慧空真人

大慈大悲實相真人 大慈大悲玄覺真人

大慈大悲空朗真人 大慈大悲等相真人

大慈大悲慈朗真人 大慈大悲曜靈真人

大慈大悲清定真人 定邪天師

收鬼天師 遣崇天師

制魔天師 斬邪天師

道藏輯要

朝天謝罪法懺
卷二

八

柳集十三
四月八日

敬教天師

元始上帝告諸天神王曰吾今以此經懺遣金華真人齋往下
方散佈十方三界使一切人民轉誦或有奉道之民清信男女
遇本命生辰爲皇后貴妃太子天親大醮天地日月星辰名山
洞府得道神仙詠誦天尊真人天師名號者卽有十天善神營
護修奉之民上奏天府永消世厄長沐天恩鎮居鳳閣日奉麻
明功德獲福無量志心朝禮

太伯山真德洞天仙官 西山天寶極真洞天仙官

大滄山好生玄上洞天仙官 潛山天柱司玄洞天仙官

鬼哭山太玄司真洞天仙官 武夷山昇真元化洞天仙官

玉笥山太秀法樂洞天仙官 華蓋山容成大王洞天仙官

蓋竹山長曜寶元洞天仙官 都嶠山實玄洞天仙官

白石山瓊秀長真洞天仙官 白漏山玉闕寶圭洞天仙官

九凝山朝真大虛洞天仙官 洞陽山洞陽永觀洞天仙官

幕阜山洞真太玄洞天仙官 太西山大有華妙洞天仙官

金庭山金庭崇妙洞天仙官

元始上帝再告左右侍真曰吾今以此經懺散佈萬國九洲徧使人天禮念迎祥集慶保命延生若有善男信女遇三元八節

燒香轉禮三清寶號真人天師名位上願皇后貴妃太子天親禮拜供養集福延生永先寶曆世世不絕長居紫庭神妙先生

道藏輯要

朝天謝罪法懺

九

柳集十三

燒香朝拜禮謝

金闕上帝而獻頌曰

西靈聖母 貴曳璫琚 鸞臺鳳閣 密從宸輿

虹光貫斗 月榮太虛 穆清宮禁 永鎮天居

太上靈寶朝天謝罪法懺卷二終

太上靈寶朝天謝罪法懺卷三

爾時

元始上帝在無上大羅天中、玉京金闕之內、坐天寶妙臺、與太上玉宸道君、太上聖祖太清老君、大集羣仙、敷揚妙法、講演經戒、是時諸天大聖、一切眾真、燒香散花、持旛執節、吟咏洞章、步虛讚嘆、功德巍巍、未聞未見、今日得詣寶軒、列班侍立、恭聽法音、願賜開度、是時

元始上帝告左右侍真曰、吾以威光普照無極、世界下土兆民、一切羣生、愚痴暗昧、沉迷世網、婬滯六慾、不能自覺、常處苦惱、流浪生死、併不開悟、若有善男信女、能發無上道意、爲一切眾

道藏輯要

朝天謝罪法懺
卷三

壹

柳集十三
卷三

生立三清寶座、五帝靈壇、掛旛獻花、燒香朝禮、轉念經懺、爲祖宗親亡過父母、妻子眷屬、滅除罪犯、使身心清淨、常昧靈音、不墮惡道、常行信奉、懺謝前生今世舉心運心、生不信奉、誹謗三寶、毀壞三寶、穢污三寶、戲弄三寶、罵詈三寶、咒咀三寶、欺忽三寶、傲誕三寶、噴喝三寶、訾毀經錄、評論真偽、改意妄言、強辯是非、分別深淺、言議短長、形容不淨、衣服不淨、手腳不淨、口氣不淨、飲酒食肉、啖嚼葷辛、口出穢言、心不恭敬、或不淨手、或不燒香、或不漱口、或不沐浴、卽入靈壇、觸犯尊像、穢辱真聖、神仙天王力士、玉童玉女、真壇靈官、或對三清至真經法、出家法師、生不恭敬、形容傲誕、不肯佈施、或乘車馬、直入宮殿靈壇、逼近尊

像狼籍福地、或見持齋受戒、永不信奉、或見禮懺齋醮、即便破亂、以爲妖妄、或見道場法席、高聲大語、惱諸法眾、或發言舉意、道說是非、較量真偽、或倚恃三寶、方便求財、或假說教化、誑語或惑百姓、或費用三寶財物、以養己身、或恐惱出家、求其長短、以取財物、養育妻子、諸無上罪、無量無邊、今日發露、誠心朝謝、天地三寶、星辰爲先祖父母、見存眷屬、啟懇首陳、乞滅除罪犯、內外清淨、咸獲超度、

元始上帝再告左右侍真曰、吾見下土兆民、見存眷屬、三業六根、罪業深重、長行殺戮、行諸苦酷、不念慈心、殺害羣毛、食啖六畜、或爲父母兄弟妻兒及諸親族、集聚鄉閭、傷害眾生、不計頭

道藏輯要

朝天謝罪法懺

二

柳集十三

數、或殺猪羊驢馬、猫狗鷄豚、依人養牧、芻豢之屬、或殺麀鹿狐兔、虎豹豺狼、河泊山林野獸之屬、或殺鷄鵝鴨、鳥鵲鳩鴿、鳶鳶鷺鷥、鵲飛禽之屬、或殺蟲蛇、虺蜥蜂蠆、蚰蜒蜈蚣、蜚蠊蟻之屬、或殺鼃黿魚鼈、螺蚌蝦蟆、螯蟬、蜉蝣、水虫之屬、或殺蜚蠊蟻、蠨蟬、蜈蚣、蠅蠅、蚯蚓、小虫之屬、或殺蚊蟲、蚤蝨、蜉蝣、蟬、蜉蝣、蜻蛉、蚰蜒、化生之屬、或飛鷹走犬、張羅布網、殺害眾生、或放火燒山、窮林竭澤、殺害眾生、或持弓矢刀、殺害眾生、或手揉足踏、坐按卧、按殺害眾生、或耕田種作、打墻立壁、殺害眾生、或監造宅舍、穿坑出土、拆籬作障、殺害眾生、或剖胎破卵、熱湯潑地、殺害眾生、或對聖像靈壇宮觀、殺害眾生、或禱祀鬼神、或爲嗔怒殺

害眾生或命絕手中或身亡刀下或斷其頭足或剝裂皮毛或
猛火煎燒或沸湯燖煮或分生子母斷其胎育或固絕命根令
其磨滅或殺賢人道士或殺老弱女男或殺債主冤家或殺四
方良善或恐殺佈殺毒藥殺咒殺罵殺或自殺教殺諸如生殺
舉手動身殺害無數無量無邊罪業深重不忍聽聞今日若有
奉道男女傾心露懇朝天禮謝拜表上章大醮三官放生續命
佈施財寶救濟貧窮燒香行道吟咏洞章步虛禮懺爲七世祖
禰亡過父母一切宗親懺滌罪犯改惡崇善洗滌身心所求皆
遂所望必成所救宗親咸得超度神仙接引逍遙無爲名上南
宮得歸人道獲福無量

道藏輯要

朝天謝罪法懺
卷三

三

柳集十三
八百卅一

元始上帝再告左右侍真曰下界若有清信奉道之民或爲水
族介虫蛟龍魚鼈蝦螺蚌蛤濕居毒獸一切魚龍建

三清寶座五帝靈壇燒香然燈上章拜表懺謝水居業重之罪
者吾遣太乙救苦天尊於雲樓青簡金文寶藏出天尊懿號徧
使人天稱揚讚嘆吟咏洞章思神念道乞削落明真九幽長夜
之函使一切水族介虫離苦解脫滅無量罪咸獲超度是故燒
香皈身皈命五體投地志心朝禮

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

上甯高道司命保生天尊大帝

南極聖主紫微上宮天皇帝

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青宮大帝太乙救苦天尊

真明大聖九天應元雷聲普化天尊

九天雷祖大帝除災利物天尊

道藏輯要

朝天謝罪法懺
卷三

四

櫛集十三
小引上

紫微碧玉宮太乙天帝保制劫運天尊

六天洞淵大帝伏魔上上太乙天尊

綠波天上帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

西方八卦護身天尊 西方太妙至極天尊

行明上道天尊 蕭然紫桂天尊 凝尊金容天尊

凝光金洞天尊 三光神耀天尊 紫清九仙天尊

天中大行天尊 廣運道空天尊 十真道運天尊

仙道運度天尊 朱光重玄天尊 大廣運明天尊

隨順世間天尊 玄寂一乘天尊 金殿妙尊天尊

逍遙三乘天尊 觀靈仙行天尊 飛天法王天尊

清元訓度天尊 太和一乘天尊 真運明行天尊

金慈玉寶天尊 開明解智天尊 解脫重玄天尊

最勝空明天尊 解脫暉光天尊 戒生法王天尊

道藏輯要

朝天謝罪法懺
卷三

五

柳集十三
川日一八

妙寶金成天尊 寂然太真天尊 洞元萬果天尊

素玉妙樂天尊 玄應洞聽天尊 普慧光暎天尊

天仙無礙天尊 真覺仙靈天尊 徧悟玄會天尊

善菓隨受天尊 妙勝重玄天尊 妙道明光天尊

凝寂金霄天尊 因緣無隱天尊 光明高運天尊

大乘無爲天尊 青華主算天尊 運明惠通天尊

萬仙救生天尊 金景妙寂天尊 行成仙道天尊

徧周六道天尊 明化神運天尊 上景真空天尊

妙彩朱威天尊 運道丹成天尊 洞元仙嚴天尊

洞元萬功天尊 丹質妙光天尊 朱湛妙果天尊

法海廣華天尊 方期洞元天尊 無等應感天尊
運明仙慶天尊 妙寂金鏡天尊 三天照明天尊
洞靈朱明天尊 慧功普朗天尊 洞靈果明天尊
普度丹景天尊 慧炬上靈天尊 拔苦慈慧天尊
妙湛金彩天尊 仙道廣度天尊 道運高應天尊
道運真行天尊 丹元無礙天尊 度人北元天尊
無邊徧被天尊 開化玉宮天尊 妙道應明天尊
至照道運天尊 大梵中仙天尊 神通照道天尊
救生上化天尊 諸天玉真天尊 金仙嶷然天尊
道運萬空天尊 玉華妙樂天尊 增益善智天尊

道藏輯要

朝天謝罪法懺
卷三

六

柳集十三
川日上久

真相靜明天尊 雲宮重玄天尊 開朗神解天尊
天皇真君天尊 救生中元天尊 普朗真人天尊
虛無性常天尊 玄紀戒生天尊 隨方自然天尊
最勝方便天尊 漸妙玄會天尊 德解洞玄天尊
洞元仙寶天尊 慧炬太真天尊 神至響明天尊
遍空飛駕天尊 太玄寶丹天尊 一切增益天尊
行明高運天尊 隨願往生天尊 慈悲救苦天尊
大慈大悲救苦真人 以下真人各號俱冠以大慈大悲四字在上 救度真人 大惠真人
景虛真人 平等真人 大慈真人 好生真人
景上真人 等曜真人 靖慧真人 智明真人

妙惠真人

明虛真人

部錄天師

上奏天師

除死天師

定生天師

保護天師

普濟天師

元始天尊再告左右侍真曰吾今以此天尊真人天師名號遣金華真人齋往下方散布萬國九洲使一切人民懺悔朝謝或有清信賢者每遇本命生辰燒香諷經醮謝天地洞府神仙卽有記名神王落死神王上生神王錄其功德奏上諸天金帛豐足永保安甯或爲儲君太子公主天親迎祥集慶大醮星辰獲福無量人各恭敬

志心朝禮

麻姑山丹霞洞天仙官

仙都山玄都拆仙洞天仙官

道藏輯要

明天謝罪法懺
卷三

七

柳集十三
川日八文

青田山青田大鶴洞天仙官

鍾山朱湖太生洞天仙官

良常山良常方會洞天仙官

紫蓋山紫玄洞照洞天仙官

天目山太極玄蓋洞天仙官

桃源山白馬玄光洞天仙官

金華山金華洞元洞天仙官

仙都山玄都祈仙洞天仙官

海上東嶽泰行山青帝洞仙官

海上南嶽長離山赤帝洞仙官

海上西嶽麗農山白帝洞仙官

海上北嶽廣野山黑帝洞仙官

海上中嶽崑崙山黃帝洞仙官

元始上帝再告左右侍真曰吾今遣太乙真人齋此經懺散布

萬國九洲徧使人天禮念、延生保命、集福消災、若有奉道之民、
遇三元八節、本命生辰、轉禮三清寶號、十方真人、名位者、身堅
體固、永保長存、獲福無量、冲妙先生、燒香朝謝、禮拜謝
金闕上帝而獻頌曰

挺秀雍熙運、日奉至尊前、身居龍鳳閣、名籍繼諸仙
燒香謝天蔭、長誦希夷篇、千生臻五福、名列清微天
永處逍遙境、長享福自然

太上靈寶朝天謝罪法懺卷三終

讚

元始大道金口宣揚、威力祥光、莫能量、句句消罪、殃道君上皇

道藏輯要

朝天謝罪法懺
卷三

八

柳集十三
一日文

賜福降禎祥、

大聖元始宥罪大天尊

二稱

太上靈寶朝天謝罪法懺卷之四

爾時元始上帝在大羅天上玉京金闕紫微天臺大會羣仙敷演妙法救度天人咸使悟道不歷諸苦施大威德放大光明普照萬國一切罪福俱在目前甚深微妙方便開度一切地獄窮魂苦毒無量痛楚難言並蒙恩救拔不溺沉淪咸得超度是時元始上帝慈悲廣洽更開要道使過去未來俱霑利益再告左右侍真曰人之稟生同資一氣及乎誕育命係三元壽夭吉凶富貴貧賤因緣罪福善惡生死各由宿命根源悉有報應隨其業力永不差殊如影隨形似聲應響上元正月十五日上元天官主錄百司上詣天闕進呈世人罪福之籍七月十五日中元地官主錄百司上詣天闕進呈世人罪福之籍十月十五日下午元官主錄百司上詣天闕進呈世人罪福之籍十月十五日下午元官主錄百司上詣天闕進呈世人罪福之籍十月十五日下午元水官主錄百司上詣天闕進呈世人罪福之籍三元之日與三界十方四司五帝善惡童子一切靈官上朝金闕元始御前考校男女生死之籍罪福因緣及九幽地獄水府窮魂姓名黑簿此時若有善信男女能發自然道意建造紫微寶臺玉京寶山樓閣臺殿百寶莊嚴香花供養燒香行道吟詠洞章然燈放生步虛法事布施發願謝過上章大建齋醮虔告天地晝夜不忘者吾當遣十天真人諸天神仙三界四司救苦靈童下降人間齊到道壇爲其滅罪保佑生人使國土安甯男女歡泰眾善齊降諸惡不生地獄苦魂一時解脫徑生天上快樂無爲率土太

平功德巍巍獲福無量、

元始上帝再告左右侍真曰、吾見十方無極世界、十方天王造三十三層大臺寶盤、悉以紫金珠玉、錦縠紫綢、寶蓋紫節、旌幢百花飲食器物、百珍仙樂、搖曳徧滿虛空、來詣道場、羅列供養。爾時天尊以神通威力、變此會中國土、悉是琉璃洞徹、內外皆同一色、遠近平等、不殊三界十方、同霑福慶、喜樂難言。九幽罷對五苦停酸、國土安甯、人民長壽。元始上帝再告左右侍真曰、下界若有善信男女、請道士法師、當於三元節日、宣說經懺、罪福因緣、懺悔自己、受身不淨、臭穢、四大浮脆、假合念念無常、三業六根、構造諸罪、漸染成愆、輪迴生死、墮落三塗、九幽地獄、受

道藏輯要

朝天謝罪法懺
卷四

二

柳集十三
卷之三

諸苦惱、吞火食炭、鑊湯煎煮、足履刀山、手攀劒樹、磴磨碓擣、鋸解錐剗、鐵鳥啄睛、鐵犁耕舌、牛頭亂拷、鐵杖負身、膿血流離、身體爛壞、沉淪黑闇、流轉泥犁、負石填河、晝夜拷掠、一入酆都地獄、萬劫難原、皆是眾生業力自受。若有善信男女、能發善心、爲七世祖禰及現存己身父母骨肉、五苦三塗、窮魂餓鬼、畜生囚徒、老病眾生、造玉京高座、紫微天臺、掛幡獻花、百珍供養、醮謝星宿、拜表上章、禮懺燒香、滅諸罪原、咸得超度。元始天尊告左右侍真曰、若有善信男女、於三元節日、爲一切人天、建設齋醮、轉經禮懺、供養天尊、神仙、列曜、星宿、地府百司、爲祖考父母、發片善心、精誠不退、過去未來、三世父母、獲福無量、滅諸罪犯、

元始上帝告左右侍真曰、吾見下土兆民、多有凶禍、邪鬼所害、可爲先亡祖考、父母尊親、五臘之日、是天地開赦、宜建齋醮行道、禮懺上章、救拔先祖、咸得超度、獲福無量、正月一日、天臘之日、五帝神仙集於青天安寶華林、青靈闕中、校定世人罪福之籍、五月五日、地臘之日、五帝神仙集於丹天梵寶昌陽、丹靈闕中、校定世人罪福之籍、七月七日、道德臘之日、五帝神仙集於素天金門素靈闕中、校定世人罪福之籍、十月一日、民歲臘之日、五帝神仙集於玄天洞陰黑靈闕中、校定世人罪福之籍、十二月遇臘日、是王侯臘之日、此日五方五帝集於玄都玉京、元靈戊己金闕、元始上帝八景殿中、校定世人罪福之籍、此五臘日皆是

道藏輯要

朝天謝罪法懺
卷四

三

柳集十三
八文上

天地合攢之日、定吉凶生死簿籍、若有男女爲過去先祖父母、禮懺上表謝罪、滅除黑簿罪目、升度七祖父母、人名上清、皆得超度、夫五臘日者、皆生人九祖父母、幽獄鬼魂、此日爲酆都北陰大帝、引出責問、久處陰司、年代積罪結懣、端由及子孫姓名、墳墓所在、如積劫未有追贖、因此日延累生人、引問得子孫親姻九族姓名、爲生人罪狀、積懣幽都、九族延滅、此日可爲先祖亡故父母上表懺謝、宿愆追拔幽塗、皆亡人一一得之、常日祭祀不可得達、蓋爲酆都幽深、難爲通徹、沐賴真猷、皆得宿愆解釋、幽司不欲久滯死魂、久滯則天曹責及幽司官吏、亦責及生人、轉福爲禍、災難自此而生、若有至孝男女、此日修奉齋醮、則

黑簿除名獲福無量皆得超度元始上帝告左右侍真曰下界
眾生識見不同習惡造善根基各異今說要言各宜信奉若眾
生好殺害損傷者卽以慈悲門攝之若偷盜劫奪財物者卽以
分義門攝之若邪淫放蕩者卽以貞潔門攝之若慳貪吝惜者
卽以布施門攝之若愚癡顛倒者卽以方便門攝之若綺言浮
華者卽以簡正門攝之若妄語虛誑者卽以信順門攝之若惡
口咒詛者卽以誦念門攝之若兩舌惡罵者卽以讚嘆門攝之
若飲酒食肉過度者卽以齋戒門攝之若誹謗訾毀者卽以講
說門攝之若倨傲輕慢者卽以禮拜門攝之若剛強豪健者卽
以柔弱門攝之若不信罪福宿命者卽以因緣門攝之若執繫
道藏輯要

朝天謝罪法懺

四

柳集十三
又文上

有無者卽以中道門攝之若是非彼我者卽以平等門攝之若
貪濁穢汙者卽以清淨門攝之若堅固不移者卽以輪轉門攝
之若造作不休者卽以無爲門攝之若局守不變者卽以圓滿
門攝之若躁競不安者卽以靜定門攝之若煩惱不釋者卽以
解脫門攝之若憂悲不樂者卽以逍遙門攝之若輕慢三寶者
卽以皈依門攝之若以此二十四門常攝一切眾生不亦樂乎
元始上帝曰吾本以無攝爲攝勸化眾生眾生旣悟亦無攝因
若能奉持獲福無量元始上帝再告左右侍真曰下界兆庶若
有清淨奉道之民爲九祖先遠父母幽魂或於古觀靈壇或在
本家淨室建三清寶座點七曜明燈燒香行道吟詠洞章轉禮

經懺大醮諸天精誠不怠者吾遣太乙救苦天尊於九炁天宮
開七寶雲樓青簡金文出天尊懿號下降人間徧使人人禮念
爲削落九幽長夜玉匱之函使七祖超度魂上南宮神仙接引
逍遙無爲獲福無量是故燒香歸身皈命五體投地

志心朝禮

玉清聖境虛無自然元始天尊

上清真境太上道君靈寶天尊

太清仙境太上老君道德天尊

太上昊天至尊金闕玉皇上帝上寧高道聖祖司命保生天尊

南極聖主紫微上宮天皇帝

道藏輯要

朝天謝罪法懺
卷四

五

柳集十三
川口文

中天星主紫微中宮北極大帝

承天效法厚德光太后土皇地祇應感儲祥元天大慈聖后元君

南極長生大帝統天元聖天尊

東極青華大帝太乙救苦天尊

貞明大聖九天應元雷聲普化天尊

九天雷祖大帝除災濟物天尊

紫微碧玉宮太一天帝保制劫運天尊

六天洞淵大帝伏魔上上太乙天尊

六波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

北方消災解危天尊 北方玄上玉宸天尊

玄明真仙天尊 玄會慈恩天尊 朱光妙果天尊

妙果四極天尊 無礙十華天尊 運明靜行天尊

運明真文天尊 妙果正因天尊 黃道運明天尊

道藏輯要

朝天謝罪法懺
卷四

六

柳集十三
川日台三

法海寶福天尊 運明太虛天尊 萬行靜定天尊

金相凝神天尊 靈融應體天尊 上運至道天尊

靈真丹天天尊 運明妙空天尊 元一天皇天尊

无等開元天尊 至道智明天尊 濟物高勝天尊

清響無等天尊 流慈自然天尊 七映妙光天尊

太洞七元天尊 上洞朱極天尊 雲宮平等天尊

迫運光空天尊 妙寶金緣天尊 妙善真濟天尊

丹紫無爲天尊 大運化道天尊 紫極中華天尊

延壽仙靈天尊 法海瓊音天尊 妙玄北真天尊

真觀神真天尊 妙玄道運天尊 西明感化天尊

期度仙道天尊 廣明大道天尊 開度解脫天尊
仙靈普朗天尊 朱宮妙樂天尊 救生空觀天尊
明智玄通天尊 果成仙道天尊 徧道上運天尊
方便冥感天尊 仙真南極天尊 玄通長樂天尊
正真法成天尊 一切常度天尊 無爲丹元天尊
靈顏妙光天尊 上靈光照天尊 明廣慧道天尊
拔苦慈解天尊 四宮真境天尊 大洞體玄天尊
洞玄開度天尊 金光妙湛天尊 結成騫林天尊
雲宮法燈天尊 至玄運道天尊 慧光三天天尊
自然流鈴天尊 靜明玉帝天尊 普朗業行天尊

道藏輯要

朝天謝罪法懺
卷四

七

柳集十三
川日一十二

丹霍法成天尊 寶林一乘天尊 應會開闡天尊
隨方傳法天尊 中千常一天尊 道運真空天尊
上天妙嚴天尊 長樂丹元天尊 救生萬化天尊
文真廣運天尊 地皇神尊天尊 皓素無等天尊
華景一乘天尊 正一三天天尊 玉宮雲營天尊
延壽慧真天尊 重玄德真天尊 寶明大度天尊
朱因高尊天尊 無等清響天尊 化成仙道天尊
運明妙照天尊 戒生明行天尊 上道運明天尊
妙果朱素天尊 寂然紫度天尊 金剛妙彩天尊
拔苦慈恩天尊 真玄二炁天尊 度厄應變天尊

九幽拔罪天尊 隨願往生天尊 慈悲救苦天尊 大慈大

悲救苦真人以下真人俱冠以大慈大悲 救度真人 大惠真人 明皇真人

照理真人 普度真人 至極真人 普救真人 慈覺真人

玉臺真人 金玄真人 妙玄真人 自在真人 變化天師

神妙天師 皇上天師 萬福天師 太極天師 玉晨天師

元始上帝告諸神仙曰吾今降此天尊真人天師位號遣太清

真人齋往下方散布萬國九洲一切人天轉誦若有善信男女

奉道之人每遇八節三元生辰本命轉禮經懺醮謝天地為三

軍萬姓一切含生燒香朝謝使門戶昌隆世世榮盛子孫聰慧

壽祿延永功德巍巍永消世厄人各恭敬

道藏輯要

朝天謝罪法懺

八

柳集十三

志心朝禮

東海廣德之神龍宮官屬 南海洪聖廣利之神龍宮官屬

西海廣潤之神龍宮官屬 北海廣澤之神龍宮官屬

江濱廣源之神龍宮官屬 河濱靈源之神龍宮官屬

淮濱長源之神龍宮官屬 濟濱清源之神龍宮官屬

浙江水府之神龍宮官屬 吳江水府之神龍宮官屬

楚江水府之神龍宮官屬 荆江水府之神龍宮官屬

牟子江水府之神龍宮官屬 湘江水府之神龍宮官屬

淞江水府之神龍宮官屬 南江水府之神龍宮官屬

漢江水府之神龍宮官屬

元始上帝再告左右侍眞曰吾今降下此經勅布十方世界徧
使人天禮念獲生生福滅世世罪所求皆遂所願皆成世間若
有奉道之民信善之家每遇本命生辰八節三元燒香禮誦大
建齋醮諷詠三清寶號眞人名位上願三公輔弼將相寮寮拜
表上章迎祥集福永臻富貴長保遐齡冲妙先生燒香朝謝
金闕上帝而獻頌曰

天生明哲

永贊昌期

冰稜玉峭

鳳質鸞姿

燮調元化

力贊雍熙

農歌綠野

兵戢四夷

長臻五福

永集天祺

太上靈寶朝天謝罪法懺卷四終

道藏輯要

朝天謝罪法懺
卷四

九

柳集十三
廿日廿三

讚

元始天王三界眞仙說法普度四生愆妙法廣無邊天師天仙
消罪錫延年

大聖元始宥罪大天尊

三稱

太上靈寶朝天謝罪法懺卷五

爾時

金闕大聖元始上帝在九清妙境五雲天宮御寶玉座大會羣仙敷演真一妙法廣度眾生咸使超悟是時

太上老君與諸天大聖妙行真人九天上真四司五帝一切神仙皆駕五色璫輪八景翠輿飛雲寶蓋十絕靈幡龍旂鳳葆燒香散花遊空步虛吟咏洞章旋繞劫仞寶臺朝讚齊唱

元始上帝咸皆欣慶是時至尊以大威德放七寶神光照耀太空下及無極世界九幽長夜地獄善惡報應一一皆見於是

東方九炁天君侍真靈官上朝 金闕於是

道藏輯要

朝天謝罪法懺
卷五

壹

柳集十三
卷五

南方三炁天君侍真靈官上朝 金闕於是

西方七炁天君侍真靈官上朝 金闕於是

北方五炁天君侍真靈官上朝 金闕於是

中央一炁天君侍真靈官上朝金闕列班焚香進呈天下兆民生死罪福之籍須臾萬變宮殿臺榭皆悉水精琉璃珊瑚琥珀雕琢裝嚴麒麟獅子備衛左右各赴寶座講說酆都地獄生死之籍忽聞地獄死魂受對拷罰痛聲號絕又見死魂無托冥間之中鬼官不錄是時五帝上問此輩罪人是何業報受拷痛切難忍伏願 天慈特垂救度

元始上帝謂帝君曰下元生人死魂受拷爲前生不忠不孝君

臣不義父子不慈不敬三光不信罪福欺師謗道返逆宗親廣殺物命縱姿貪淫司命奪算壽無定年死魂報對劫盡無解此人爲前生啖酒嗜肉殺戮無度不造善功專行不道年算未盡被六天洞宮鬼神乘人罪釁放其毒氣天傷人命水火盜賊疫癘刀兵厄難困苦官私口舌枷鎖連遭令人所爲不遂年月歲久遭遇不少又見風雷之獄常有黑風震雷霹靂飛戈衝突罪人分散肢體穿穴五臟萬劫受苦晝夜不息又見火翳之獄有諸罪人吞火食炭爲火所燒頭面焦爛身帶火山皮膚骨肉節節生火萬劫受苦晝夜不息又見金剛之獄有諸罪人金槌鐵杖亂拷無數肢體壞爛筋骨零落鐵叉穿腸金鎚塞心萬劫受

道藏輯要

朝天謝罪法懺
卷五

二

柳集十三
X日X上

苦晝夜不息又見冥冷之獄有諸罪人沉沒寒水劒戟霜刃衝斷筋骨百毒之汁以灌其上五體零落心腹破壞萬劫受苦晝夜不息又見銅柱地獄有諸罪人身上銅柱大火猛燄令諸罪人手持足登表裏焦爛腸背膿血萬劫受苦晝夜不息又見屠割地獄有諸罪人身被倒懸刀劒割體四肢脇脉皮膚五臟皆有刀刃割截其中罪人血流滿地非可堪忍萬劫受苦晝夜不息又見火車地獄有諸罪人五車裂體四肢分散或身處火車東西南北一一車轉皆有刀刃隨輪運轉割截罪人加誅猛火燒炙焦爛萬劫受苦晝夜不息又見鑊湯地獄有諸罪人身被鐵叉叉入鑊湯五體煎煮四肢爛潰膿血臭穢不可堪忍萬劫

受苦晝夜不息是時

元始上帝十方救苦真人施大威光假六通慧力令諸罪魂閉目靜思自識宿命生存之日造諸惡業或手弑君父不孝二親或誹謗真仙或殘傷兄弟或謀反師尊或淫犯骨肉或劫賊殺害或屠割孤貧以強凌弱以貴虐賤或穢慢靈文或陰賊嫉妬或惡口兩舌或鬪亂善人積劫以來所犯諸罪一時頓憶各各明了倍增苦惱願求解脫咸皆救度

元始上帝再告左右侍真曰吾見諸罪人曠劫以來不信經懺惟罪是修遂使名書黑簿身沒九幽魂滯三途末由解脫若有清信男女發無上心爲先逝亡魂父母眷屬建齋行道拜表上

道藏輯要

朝天謝罪法懺
卷五

三

柳集十三
川日文上

章濟度孤貧放生續命者吾遣太乙救苦天尊於紫微上宮開三天奧藏七部瓊篇藥簡琅函出天尊懿號下降人間讚嘆諷誦吟咏洞章消滅罪犯削落九幽長夜玉匱之函遍使一切罪魂離苦解脫隨願往生逍遙無爲咸獲超度是故燒香叩身皈命五體投地志心朝禮

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

上甯高道聖祖司命保生天尊

南極聖主紫微上宮天皇大帝

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青宮大帝太乙救苦天尊

眞明大聖九天應元雷聲普化天尊

九天雷祖大帝除災濟物天尊

紫微碧玉宮太乙天帝保制劫運天尊

六天洞淵大帝伏魔上上太乙天尊

道藏輯要

朝天謝罪法懺
卷五

四

柳集十三
川日三又

綠波天主帝君普施法潤天尊

九天司韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈眞老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞眞天尊

東北方紫清降福天尊 東北方度仙上聖天尊

慈嘆度苦天尊 高上天師天尊 金靜玉寶天尊

照庾仙道天尊	上元四明天尊	妙尊金真天尊
洞玄內秘天尊	先相寶開天尊	萬元洞明天尊
無等寶照天尊	神通真觀天尊	太虛一乘天尊
湛然丹靈天尊	應真法寂天尊	中玄道運天尊
解脫思議天尊	慧元三天天尊	神智道運天尊
權實洞玄天尊	上洞飛經天尊	上帝地皇天尊
八妙寂然天尊	無量妙行天尊	上洞三天天尊
金光常湛天尊	太玄明解天尊	明真玉虛天尊
聖真小有天尊	丹紫緣感天尊	上宮平等天尊
玄紀七聖天尊	上元上品天尊	寶藏法海天尊
寶臺法海天尊	隨聲救苦天尊	萬靈寶真天尊
朱鏡妙尊天尊	西靈寶真天尊	運晨明道天尊
真運通明天尊	金聖凝湛天尊	輪東法華天尊
思真延壽天尊	金靈妙寂天尊	萬運明廣天尊
明玄神運天尊	真空道訓天尊	道應慧朗天尊
自然神寶天尊	妙寶玄元天尊	化明至道天尊
明朗上運天尊	慧明高運天尊	最勝光相天尊
常道三有天尊	黃老地皇天尊	道運玄會天尊
太元一相天尊	真道魔成天尊	神慧道運天尊
眞法成天天尊	上靈瑤華天尊	高運明行天尊

度命天師	救死天師	大慈大悲玉光真人	大慈大悲普照真人	大慈大悲濟苦真人	大慈大悲洞玄真人	大慈大悲救苦真人	大慈大悲救苦真人	九幽拔罪天尊	寶應仙飛天尊	護魂無滯天尊	仙靈普慈天尊	眞淵無滯天尊	妙尊空華天尊	行明大運天尊	八明北眞天尊	虛道慧運天尊	救苦東華天尊	本際上靈天尊	虛玄光明天尊
度人天師	護生天師	大慈大悲光明真人	大慈大悲金景真人	大慈大悲降魔真人	大慈大悲洞神真人	大慈大悲解脫真人	大慈大悲救度真人	隨願往生天尊	妙元朱光天尊	無碍自然天尊	五老梵行天尊	上元化度天尊	無量北眞天尊	戒生化成天尊	廣敷眞戒天尊	救生正眞天尊	清虛玉老天尊	道明眞靈天尊	七映北眞天尊
								尋聲救苦天尊	大聖長樂天尊	上品福慶天尊	威化金絢天尊	受持玄會天尊	明化高道天尊	丹紫空道天尊	廣明眞道天尊	高勝度命天尊	秘藏善開天尊	開明一切天尊	

道藏輯要

朝天謝罪法懺
卷五

六

柳集十三
四八四

好生天師 好善天師

元始上帝告左右侍真曰吾今遣太華真人以此天尊真人天師位號齋往下界散佈萬國九洲一切人天轉禮誦念上消天災下散地禍若有修真之士信道之民於本命生辰為三公輔弼將相家僚大醮星辰轉經禮懺永臻五福常保三元品秩穹崇壽齡延永獲福無量志心朝禮

地脉山福地仙官聖眾 蓋竹山福地仙官聖眾

清遠山福地仙官聖眾 曰安山福地仙官聖眾

石磻山福地仙官聖眾 東仙源福地仙官聖眾

青嶼山福地仙官聖眾 郁木洞福地仙官聖眾

道藏輯要

朝天謝罪法懺

七

柳集十三
川口文入

赤水山福地仙官聖眾 丹霞山福地仙官聖眾

召山福地仙官聖眾 焦源福地仙官聖眾

靈墟山福地仙官聖眾 沃洲福地仙官聖眾

老姥岑福地仙官聖眾 若耶溪福地仙官聖眾

金庭山福地仙官聖眾 馬嶺山福地仙官聖眾

鵝羊山福地仙官聖眾 洞真墟福地仙官聖眾

光天壇福地仙官聖眾 洞宮福地仙官聖眾

清玉壇福地仙官聖眾 陶公山福地仙官聖眾

元始上帝告左右侍真曰吾今遣太華真人齋此經懺散佈萬國九洲偏使人天禮誦延生集福保命消災若有奉道之民遇

三元八節本命生辰修齋禮拜念誦三清寶號天尊名位願三
軍萬姓普天兆庶一切含生永臻壽祿獲福無量冲妙先生燒
香朝禮拜謝

金闕上帝而獻頌曰

煥赫空洞章 靈音震九天 至真開寶蘊 傳受希夷篇
寶偈經仍遇 靈文拔祖先 超度長夜魂 上登朱陵府
虔心尊所奉 朝謝虛皇前

太上靈寶朝天謝罪法懺卷五終

道藏輯要

朝天謝罪法懺
卷五

八

柳集十三
目錄

太上靈寶朝天謝罪法懺卷六

爾時

元始上帝在大羅天宮黃金殿內七寶幢中大顯威神祥光輝
燦照耀天地真仙侍衛無執數眾建節捧香羅列左右步虛旋
繞讚歎至尊時見天仙地仙水仙各整威儀上朝

金闕進呈萬國九洲兆民生死罪福之目姓名功過毫分不失
是時

元始上帝謂左右侍真曰吾觀一切有情皆是虛假念念滅壞
曾不暫停苦惱輪迴凡夫不覺三途往返萬劫辛酸受身生身
煩惱纏縛皆由妄想顛倒執見關心生死存亡不能自出甚可

道藏輯要

朝天懺

一

柳集十三
川文

哀傷是時法會中有金華真人廣福真人端簡整佩出班燒香
朝拜

金闕上帝臣等積善深厚位列玉清得侍左右恭聽法音開示
羣品今見下方一切眾生不顧宿命不遵經法是非爭競六識
昏迷五毒縈心造業之時無所畏懼或叫鬼神以為救助或上
指三光七祖以為盟誓六親相殘傷殺無道臨命終時戀其室
宅財寶愛惜本身顧憐妻女心迫情切或發惡願債主冤家俱
在目前沉淪五道無由解脫伏願天慈大開恩宥救度羣淪出
離幽冥咸使悟道是時

元始上帝告侍真曰吾觀下界眾生妄想顛倒皆從心起強生

分別繫念在心觸境生迷舉心皆妄當自定志智慧觀身骨肉肌膚形體毛髮六根四大五臟百神諦想思惟總無實處共相假合結聚成身表裏尋求我在何處身既是假心卽成空空假非真悉爲妄想是非憎愛貪著色聲香味觸法嫉妬慳貪殺盜邪淫綺言惡罵凡諸作業泯爾皆除內外清虛自悟真道

元始上帝告侍真曰汝等定智觀身總無實處人之執見者爲六根三業未淨一曰眼根二曰耳根三曰鼻根四曰舌根五曰身根六曰意根夫六根者能生諸業猶如草木生諸花葉子實展轉六情六賊六慾能生諸業若能用智慧思惟六根諸業皆盡夫三業者一者身業二者心業三者口業身則殺盜邪淫心

道藏輯要

朝天懺

二

柳集十三
卷之三

則慳貪瞋怒口則綺言妄語惡口兩舌共成十惡諦思十惡悉是浮虛但自三業六根漸自除滅損之又損久能行之真道懺元始上帝告左右侍真曰吾念下界眾生歷劫以來運心起意多有虛妄並不真淳多有綺言或於天尊聖像前行諸綺言或於經法道場前行諸綺言或於父母尊親前行諸綺言或於賢人長者前行諸綺言或於豪貴長者前行諸綺言或於聰明識解前行諸綺言或於諸天聖眾日月星辰前舉心皆行綺言其罪深重今日恭對三寶壇前懺謝咸乞蕩除吾念眾生立身運心綺言妄語惡口兩舌嫉妬勝已鬪亂是非離人骨肉反虛成實轉僞爲真今日懺悔皆令清淨得入信根

元始上帝告左右侍真曰吾觀下界眾生立身以來眼耳鼻舌起意造惡殺生偷盜邪淫放蕩慳貪瞋怒愚癡顛倒綺言妄語惡口兩舌嫉妬勝已飲酒食肉違犯三光背真向僞信邪倒見禱祀鬼神不奉三寶訾毀噴噉輕慢傲誕堪滯色慾染習香味沉迷觸法內造外作展轉相生六根互起更相成愆罪根增長念念成非有無量罪數結習來久總在身中不可稱計一發念心皆得清淨猶如明鑑塵埃蒙蔽脂垢積聚生翳內外不明一旦遇良工拂拭磨洗表裏光徹遠近洞照還復如初何以故性本清淨人生亦爾神本清淨無諸滓穢但受形之後漸染成愆六根六情六賊六慾六識分別妄作穢弊生身障翳失其真性

道藏輯要

朝天謝罪法懺
卷六

三

柳集十三
X三X

流浪生死動入罪根報對相纏便入地獄受諸苦惱萬劫輪轉吾以慈悲憐念眾生故從劫至劫轉輪人間或生夷夏或老或少或貴或賤種種方便教化度脫眾生經教流傳開悟一切使離苦惱永出泥犁但眾生智劣不能解悟我今爲汝分別罪福因緣一切眾生悉得解脫

元始上帝謂眾真曰若有下方善信男女受持此經燒香懺悔洗滌身中一切苦惱悉得清淨消無量無邊宿根惡業諸天上聖一切神仙常欲令人勤燒香懺悔則有十天善神保護眾聖護持若罪根結身內外纏縛則惡神考害疾病纏身水火刀兵毒蟲猛獸枷鎖牢獄眾苦害身凡夫惟知外飾面目衣服手足

不能內洗身心罪根惡業可不愚哉若夫面目手足衣服等件
勤加洗濯必得清淨值遇神仙皆獲福慶

元始上帝告左右侍真曰下方若有奉道男女於古觀靈壇或
本居淨室爲先亡祖考建

三清寶座五帝靈壇誦禮經懺大醮諸天吾遣太乙救苦天尊
開紫微寶藏玉簡冊文出

天尊懿號讚歎稱揚吟咏洞章乞削落盟真九幽玉匱之函普
使人天離苦解脫消厯劫罪獲無量福是故燒香皈身皈命五
體投地人各恭敬

志心朝禮

道藏輯要

朝天謝罪法懺
卷六

四

柳集十三
川〇八

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

上甯高道聖祖司命保生天尊

南極聖主紫微上宮天皇帝

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青宮大帝太乙救苦天尊

眞明大聖九天應元雷聲普化天尊

九天雷祖大帝除災利物天尊

紫微碧玉宮太乙天帝保制劫運天尊

六天洞淵大帝伏魔上上太乙天尊

綠波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈眞老洞青天尊

道藏輯要

朝天謝罪法懺
卷六

五

柳集十三
川〇×

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞眞天尊

東南方長生保命天尊

東南方好生度命天尊

開拔苦魂天尊 因緣高仙天尊 解悟普照天尊

無名太玄天尊 神化高素天尊 開功保命天尊

戒生紫虛天尊 大聖聖王天尊 大洞成清天尊

結威八神天尊 明眞智明天尊 昇玄眞明天尊

紫府仙靈天尊 慧觀明仙天尊 青宮妙眞天尊

無礙保生天尊 保命戒生天尊 日生大乘天尊
法華妙樂天尊 流電雲宮天尊 霞想凝湛天尊
萬變太和天尊 朱湛妙霞天尊 蓋天法王天尊
六覺玄通天尊 太清洞真天尊 廣天妙運天尊
法海寶心天尊 天皇升極天尊 道行真空天尊
五老梵行天尊 妙虛玄通天尊 寶明慧解天尊
救生正真天尊 朱花妙彩天尊 尊神戒生天尊
權實真一天尊 重玄應感天尊 慈光朱日天尊
妙果素月天尊 度緣應變天尊 妙定三天天尊
玄照幽運天尊 道德真空天尊 本際上靈天尊

道藏輯要

朝天懺謝罪法
卷六

六

柳集十三
川上上

七映北真天尊 虛玄光相天尊 開明一切天尊
慧真延壽天尊 寂然應玄天尊 妙真金華天尊
威光淨明天尊 道智洞玄天尊 混成凝虛天尊
雲宮青華天尊 成就太玄天尊 明黃道君天尊
上品福慶天尊 寶應仙飛天尊 妙元朱光天尊
仙靈普明天尊 仙道普度天尊 智識玄靜天尊
正觀上宮天尊 大洞無量天尊 智悟上京天尊
照明萬方天尊 明真玉洞天尊 應心普救天尊
決定太清天尊 護魂無滯天尊 妙典寶開天尊
仙梵法王天尊 玄照大明天尊 金暉靈寂天尊

救生觀空天尊 上靈金華天尊 素果妙樂天尊
靈寶自然天尊 華明光運天尊 丹元無上天尊
仙靈妙寂天尊 運華明智天尊 光明神威天尊
戒生摧魔天尊 方廣運朗天尊 神功通明天尊
東華法丹天尊 潛功隨方天尊 上明普景天尊
神寶寂然天尊 金輿玉寶天尊 大羅靈真天尊
玄運大照天尊 寂然紫度天尊 合成凝湛天尊
徧明神道天尊 金成凝寂天尊 嚴淨無等天尊
九幽拔罪天尊 隨願往生天尊 慈悲救苦天尊
大慈大悲救苦真人 大慈大悲救度真人

道藏輯要

朝天謝罪法懺
卷六

七

柳集十三
川上三

大慈大悲大惠真人 大慈大悲圓淨真人
大慈大悲慈救真人 大慈大悲慈照真人
大慈大悲瓊華真人 大慈大悲景玄真人
大慈大悲明空真人 大慈大悲明上真人
大慈大悲明玄真人 大慈大悲萬道真人
大慈大悲景明真人

元始上帝告左右侍真天地水府三官一切聖眾曰吾今以此
諸天尊名號下降人間遣金華真人徧佈萬國九洲使一切人
民禮誦若有清真之士奉道之人或遇三元八節五臘十值生
日忌辰爲七世幽魂先祖父母一切羣生修齋行道請道士法

師步虛讚歎拜表上章禮謝天地日月星辰地府冥官水府仙
哲即有十直靈官奏上諸天蒙此功德拔離五苦度脫三途上
登朱陵府下入開光門神仙同接引萬世福長存普天皆獲慶
浩劫荷天恩

志心朝禮

蓬萊山得道一切神仙 博桑山得道一切神仙

方丈山得道一切神仙 滄浪山得道一切神仙

瀛洲上真得道一切神仙 祖洲上真得道一切神仙

聚窟洲上真得道一切神仙 炎洲上真得道一切神仙

鳳麟洲上真得道一切神仙 玄洲上真得道一切神仙

道藏輯要

朝天謝罪法懺
卷六

八

柳集十三
川文上

流洲上真得道一切神仙 長洲上真得道一切神仙

元洲上真得道一切神仙 生洲上真得道一切神仙

天下三十六靖盧仙官天下二十八治名山得道一切神仙

元始上帝再告左右侍真曰吾今遣玉清真人齋此經降下人

間使一切眾生散佈供養四時轉念上消天災下禳毒害增福

無量若有積善之民遇三元八節本命忌辰爲亡過先祖父母

幽魂追薦冥福燒香禮誦

三清寶號諸大真人名位願上世亡魂使所生父母一切兆民
生生獲福早遇神仙身臻五福長享自然冲妙先生燒香朝謝
金闕上帝而獻頌曰

玉帝宣天旨 普放幽夜魂 八難俱解釋 五道悉開通
酆都絕報對 上朝朱陵宮 羣生悟至道 永享福無窮

太上靈寶朝天謝罪法懺卷六終

道藏輯要

朝天謝罪法懺
卷六

九

柳集十三
上十

太上靈寶朝天謝罪法懺卷七

爾時

元始上帝在大羅天上玉清宮內座五雲天寶妙臺集諸天仙地仙水仙三界靈真無執數眾齊赴天闕上朝

玉清燒香散花步虛旋繞朝拜至尊是時

上帝大布威光廣演妙法念度一切咸使悟道時有上清真人太極真人妙行真人出班燒香朝拜至尊臣自歷劫以來叨居眞列榮侍瑤軒每聽靈音開悟塵品長念下方非世流吹慾海漂浪愛河輪迴生死不曾暫息未知作何善果出離沉淪盡獲超度是時

道藏輯要

朝天謝罪法懺
卷七

壹

柳集十三
XIII

元始上帝告左右侍眞曰下界若有善男信女長行利益割口損身施捨財寶長作福田濟及鳥獸蠢動含靈普救饑寒最爲第一若道邊開井建立屋宇種植菓林撫育貧苦及於江河廣立橋樑運度行旅勤行不倦眾聖護身得無量福

元始上帝告左右侍眞曰吾念眾生在三毒十惡之中爲諸魍魎魑魅惡鬼邪神毒蟲猛獸刀兵水火租械牢獄疾病苦痛凶禍纏繞不能自安吾固爲汝演說三洞大法符籙寶經救護世間令得安樂爲眾生愚痴不識罪福放縱六情或殺生偷盜邪淫放蕩慳貪嗔怒愚癡顛倒綺言妄語惡口兩舌啖食眾生違天犯地背正信邪禱祀鬼神眾罪縱橫而無片善致使毒風惡

氣六天魔鬼遍滿人間流行殺伐日夜不停吾甚哀憫吾常遣諸天帝王十極神仙四司五帝按行救度咸使超悟不遇眾惡夙愆消蕩

元始上帝再告左右侍真曰吾見凡夫從無量劫來沉淪罪苦造諸惡業殺生偷盜邪淫放蕩慳貪瞋怒愚癡顛倒惡口兩舌綺言妄語啖食羣毛殺害生性違天逆地不信罪福業力深重不可稱量可於宮觀靈壇或在本家淨室建立

三清寶座五帝星壇燒香散花朝禮天地拜表上章乞消罪犯身宅清淨一切諸惡盡得消除獲福無量若有帝王國主后妃帝子天孫發無上心爲七世祖禰七代宗親亡過父母一切眷

道藏輯要

朝天謝罪法懺
卷七

二

柳集十三
X 1

屬令諸道眾於正殿宮庭或清淨道室建置道場轉禮經懺燒香然燈懺悔行道散施財寶衣服卧具放生續命廣設齋醮勤心不退吾遣十天真人四司五帝十直靈官下降觀宇護國安民使病者得瘥死者得活厄者得消禁者得脫行者得還士者得遷水火刀兵虎狼毒獸邪精魍魎一切厄難永不干身年命長遠各得安甯若爲亡過父母祖禰姻親轉禮經懺卽得亡者鬼籍盡除上生天堂逍遙無爲咸悟至道若凶荒饑饉水火旱蝗瘟疫伏連兵戈劫掠能依科法轉禮經懺卽得國土清平民物昌盛若嬪人懷孕生育艱難或鬼怪興妖家門多變能修香火轉禮經懺卽得子母安全身宅甯靜若復有人常勤懺禮學

道得道求仙得仙若復有人因事懺禮所願者得所爲者成天上人間他生今世獲福無量證果非虛

道藏輯要

朝天謝罪法懺
卷七

三

柳集十三
XOYリ

元始上帝再告左右侍真曰禮懺功德不可思議保國甯家和天安地上消天災下禳毒害其福難稱普度天人

元始上帝再謂侍真曰吾爲眾生廣作福田大建功德寫經造像置觀度人轉禮經懺修齋布施果報巍巍實爲深厚何以故財者眾生性命切已難忘能捨命財心無吝惜廣建功德接濟孤貧內息慳貪外除劫賊人天利潤生死蒙恩救護之功獲福無量七祖先靈盡皆超逝

元始上帝告左右侍真曰吾與羣仙下觀一切眾生命若蜉蝣之蟲朝生暮死甚可哀傷夫人死者五行數盡氣絕神逝髓竭骨枯形骸蕭索心怖神懼捨命之時受大苦惱內外六親圍繞

左右男女悲泣死魂惶懼莫知去處身體虛冷氣息一絕生前所作惡業罪犯俱在目前若人在世積善天人扶衛魂超福境若人生平積業牛頭羅刹驅入地獄受諸苦惱當此之時英雄豪貴頃爾俱消高車大馬何關人事莊宅金寶盡屬他人妻子眷屬豈能相代一切冤對俱在目前如影隨形莫可逃避若有善信男女大啟洪願爲亡過父母一切宗親大醮天地拜表上章轉禮真經如暗得燈如疾得藥如貧得寶如飢得食如囚得出如旱得雨洗滌罪障皆得清淨上生福堂出離五苦永脫輪迴

元始上帝再告左右侍真曰下界十方國土若有清信奉道男

道藏輯要

朝天謝罪法懺
卷七

四

柳集十三
X011

女爲地獄苦魂六畜羣毛含靈蠢動一切等類建立

三清寶座

五帝星壇燒香燃燈珍異白菓上章拜表大醮

諸天懺悔惡業罪重者吾遣太乙救苦天尊開紫微上宮瓊簡紫籙寶函出天尊懿號傳度下方一切人民稱揚讚歎吟詠洞章思神念真乞削落九幽長夜之罪六畜之業使出度人天離苦解脫獲福無量咸得超度是故燒香歸身皈命五體投地

志心朝禮

玉清聖境虛無自然元始天尊

上清真境太上道君靈寶天尊

太清仙境太上老君道德天尊

太上昊天至尊金闕玉皇上帝上寧高道聖祖司命保生天尊
南極星主紫微上宮天皇帝

中天星主紫微中宮北極大帝

承天效法厚德光太后土皇地祇應感儲祥元天大慈聖后元君

南極長生大帝統天元聖天尊

東極青華大帝太乙救苦天尊

貞明大聖九天應元雷聲普化天尊

紫微碧玉宮太乙天帝保制劫運天尊

九天雷祖大帝除災濟物天尊

六天洞淵大帝伏魔上上太乙天尊

道藏輯要

朝天謝罪法儀
卷七

五

柳集十三
リマニ

六波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

西南方福生無量天尊 西南方太靈虛皇天尊

道功真空天尊 立會爲說天尊 因果上光天尊

度幽洞玄天尊 玄會神妙天尊 益智方便天尊
湛然中天天尊 梵行太皇天尊 萬德洞玄天尊
八景戒生天尊 救苦真聖天尊 天中萬變天尊
光道至人天尊 保命東華天尊 靜定上因天尊
金藏妙寶天尊 八極洞幽天尊 廣運無爲天尊
神玄道運天尊 常保生神天尊 丹紫緣感天尊
淨明紫虛天尊 眞淨空會天尊 行成眞道天尊
無量難賜天尊 靈容妙彩天尊 太元有音天尊
玄會智力天尊 玄都無滯天尊 梵行無尊天尊
救生化道天尊 玉清妙光天尊 一切慈愍天尊

道藏輯要

朝天謝罪法懺
卷七

六

柳集十二
川百二十一

寂然玄應天尊 交神眾善天尊 法主救生天尊
地皇帝一天尊 虛明上運天尊 梵行眾妙天尊
高皇一切天尊 洞宮妙寂天尊 清光因果天尊
應寂眾妙天尊 直道眞常天尊 青華眞志天尊
萬淨眞元天尊 法通三界天尊 保生開淨天尊
明行天常天尊 玄會開悟天尊 道成眞道天尊
丹暉結成天尊 法海太明天尊 錄妙安樂天尊
決定無相天尊 集虛西明天尊 西靈玉曆天尊
運明虛空天尊 黃庭空運天尊 丹景道眞天尊
延壽慧眞天尊 玄道朗慧天尊 明經化運天尊

仙映妙觀天尊 眞品元和天尊 無相慧礙天尊

普度丹景天尊 金剛妙寶天尊 善昇六道天尊

妙樂素華天尊 開度保護天尊 玉虛舟航天尊

丹元慧廣天尊 最勝無上天尊 金臺妙寂天尊

救物常善天尊 至極寶明天尊 瑤璋寂然天尊

玄妙開悟天尊 慧明徧覃天尊 成化令威天尊

究竟洞眞天尊 法被無際天尊 度魂太清天尊

仙靈虛應天尊 金格拔幽天尊 開祕丹元天尊

重玄妙法天尊 玄眞道明天尊 上宮玄解天尊

妙樂紫素天尊 寶蓮中千天尊 玄虛解勝天尊

道藏輯要

朝天謝罪法懺
卷七

七

柳集十三
川一三

隨順善果天尊 百億感身天尊 妙寶金相天尊

益算聖王天尊 寶眾眞海天尊 西明元洞天尊

明運到景天尊 九幽拔罪天尊 隨願往生天尊 慈悲救

苦天尊 大慈大悲救苦眞人以下眞人俱大慈大悲救苦眞人 大惠眞人

景相眞人 明覺眞人 滿相眞人 景空眞人 景照眞人

明法眞人 妙景眞人 景慧眞人 化生眞人 相光眞人

上聖天師 虛皇天師 無量天師 明皇天師 洞深天師

普攝天師 正一天師

元始上帝告諸天神仙曰吾今以此經遣玉清眞人齋往下界
遍布萬國九州一切兆庶轉禮供儀若有積善之人遇三元本

命五臘之辰燒香轉誦大醮天地爲上世幽魂所生父母一切
宗親拔贖幽冥出離苦惱咸得超度轉化成人神仙接引上昇
天宮獲福無量

志心朝禮

黃河泊水府之神龍宮官屬

洛河泊水府之神龍宮官屬

淮河泊水府之神龍宮官屬

巫峽溪真仙官聖眾 五雲溪真仙官聖眾

岷山溪真仙官聖眾 清遠溪真仙官聖眾

桐柏溪真仙官聖眾 嶓冢溪真仙官聖眾

道藏輯要

朝天謝罪法懺
卷七

入

柳集十三
川口川上

崑崙溪真仙官聖眾 武陵溪真仙官聖眾

苧羅溪真仙官聖眾 中滌溪真仙官聖眾

浣紗溪真仙官聖眾 沔池溪真仙官聖眾

馬當山上水府之神龍宮官屬

采石山中水府之神龍宮官屬

金山下水府之神龍宮官屬

元始上帝再謂侍真曰吾今遣金華真人降下此經散布萬國
九州普使人天諷誦爲見世父母亡過先祖一切羣生轉禮解
釋宿殃虔心供養者使門戶興隆世世昌盛萬災不干神明護
門世間若有奉道之民善信男女遇三元五臘本命生辰修齋

轉誦三清寶號玉軸金文爲酆都地獄一切鬼神夙業罪過咸願解除盡乞超度上昇朱宮託生人道冲妙先生燒香朝謝金闕上帝而獻頌曰

玉京元始尊 生成萬化主 靈文告三官 下開九幽府

酆都炎鑊獄 慈悲灑法雨 洗滌諸罪魂 咸皆得超度

太上靈寶朝天謝罪法懺卷七終

讚

元始上帝十極眾真常施法雨潤枯民萬國仰咸欽冲妙先生

讚禮無上尊

大聖元始宥罪大天尊

三稱

道藏輯要

朝天謝罪法懺
卷七

九

柳集十三

太上靈寶朝天謝罪法懺卷八

爾時

龍漢元年金闕大聖元始上帝在玉清聖境元陽寶殿坐五雲天寶妙臺與諸天大聖演說妙法是時天門大震元始上帝以神光下照乃見有鬱勃黑毒血光之氣上衝天闕盤結不散其氣腥血臭穢大眾驚異

元始上帝告諸天大聖左右侍真曰下界有大荒溟渤海水腥穢無邊莫測中有大山上滲碧落下入風泉名曰北陰酆都羅山是陰氣之主九地樞機焉下有洞名曰陰景天宮中有主者太陰水帝北陰天君中有冥官萬眾山有三宮九府三十六

道藏輯要

朝天謝罪法懺
卷八

壹

柳集十三
メの三

大鐵圍獄山中草木自然毒惡之氣化生皆爲刀劍鋒鋸爍空黑烟濛渤惡風飄震晝夜不停皆是冥官考罰罪鬼死魂之所中有六宮大魔惡鬼爲見眾生昏暗迷亂作陣下降人間妄作妖怪損害生人與世人亡過七祖魂魄勾連行種種凶災惡疾疫癘行諸毒氣死亡狼籍枉橫天傷甚可哀憫不忍聽聞是時左右侍真列班燒香上奏伏願至尊開大慈悲慧力救拔眾生存亡獲恩得離罪苦惟願哀憐令一切罪人得免離見世三災九橫五瘟七注疾病毒氣眾邪魍魎諸鬼之難令其性命無有中傷如蒙哀憫則仰受聖言於是至尊告諸侍真曰吾愍一切眾生如母念子今爲汝等敷演妙法子可諦聽在心勿忘左右侍

真一切神仙稽顙聽命

元始上帝聖言往昔人民淳樸無有惡心任命自然終其天算無有天傷今末世時代澆薄人心破壞五情離亂更相誑惑互相彼此不言正化唯用邪行背真從僞不道不仁違天逆地攻臣伐主不忠不孝無愛無慈欺誘萬民酷虐百姓枉殺眾生殘害物命結諸冤對動多患難或行劫奪惡賊殺傷或惡魔之所滅身或被魃蛇虎狼百蟲毒螫之所加害或官災口舌無故枉生閉繫牢獄鞭杖徒刑或家遭瘟疫身染毒氣大小疾病人口死亡六親斷絕骨肉支離或天雷馘斬或天火燒身諸如罪犯並是積業深重是故六天殺氣北酆鬼眾與五嶽之神陣亡鬼

道藏輯要

朝天謝罪法懺
卷八

二

柳集十三
XOJ三

帥遊走天下乘其罪釁放其毒氣以殺惡人更相殘賊以致死亡家道破壞子孫絕滅吾見如此甚可哀傷不忍聽聞世間若有奉道之民發無上心廣施財寶救濟貧乏放生續命轉念經懺精心不退上消凶災下禳萬禍若遇國土兵災不息疫毒流行若人虔心禮誦此懺修設清齋者則兵災靜息妖惡自屏天人稱悅欣國太平若在山林曠野爲虎狼猛獸之所奔突則當虔心禮告許轉是經則有護法善神救助猛獸自退終不爲害若入大海遭遇惡風許轉是經風浪靜息得達於岸若軍陣白刃之中許轉是經兵杖伏匿不有傷害若在牢獄枷鎖之中許轉是經冤枉自伸必得解脫若爲鬼魅邪精刑害許轉是經鬼

神消滅不敢爲害若人命過之日魂入九幽地府若有男女夫妻爲亡人立九幽齋醮禮謝三官魂超五苦隨福受生是時九幽地獄罪魂聞說是經身心開悟皆發道意永不退轉遂感上天降命釋放罪魂咸皆超度是時九幽黑簿一時焚盡火山息焰水池靜波吞火食炭化爲甘露金鎚鐵杖變成蓮花神仙拯拔上朝南宮咸得脫化

元始上帝以大威力布大慈光救度一切眾生咸使身心清淨出離酆都地獄隨願往生乃命救苦真人開道陽之臺展紫文瓊笈出天尊懿號汝等可建立三清寶座五帝靈壇掛幡獻花百珍果實嚴陳供儀轉禮經懺拜表上章醮謝諸天星宿五帝道藏輯要

朝天謝罪法懺

三

柳集十三

三官燒香然燈吟詠洞章乞削落明真九幽玉匱長夜之幽普使幽魂離苦解脫消無量罪獲無量福生死受賴是故燒香歸身皈命五體投地

志心朝禮

玉清聖境虛無自然元始天尊

上清真境太上道君靈寶天尊

太清仙境太上老君道德天尊

太上昊天至尊金闕玉皇上帝上寧高道聖祖司命保生天尊

南極星主紫微上宮天皇大帝

中天星主紫微中宮北極大帝

承天效法厚德光太后土皇地祇應感儲祥元天大慈聖后元君

南極長生大帝統天元聖天尊

東極青華大帝太乙救苦天尊

貞明大聖九天應元雷聲普化天尊

九天雷祖大帝除災濟物天尊

紫微碧玉宮太乙大帝保制劫運天尊

六天洞淵大帝伏魔上上太乙天尊

六波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

道藏輯要

朝天謝罪法懺
卷八

四

柳集十三
川口三文

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

西北方九宮捍厄天尊 西北方無量太華天尊

普慈難思天尊 常宣真道天尊 三界清通天尊

玄凝真寂天尊 自然三光天尊 法海瓊明天尊

妙奧太玄天尊 業行普慈天尊 機應感仙天尊

金尊玉林天尊 珠素妙靈天尊 慧觀太微天尊

真相淨明天尊 戒生化成天尊 明悟隨光天尊

最勝逍遙天尊 羅玄聖王天尊 勝因高尊天尊

太清元靈天尊 金光凝耀天尊 度人天中天尊

眞品內明天尊 常運法明天尊 明通道境天尊

戒生入玄天尊 神道淨行天尊 太玄眞應天尊

自然洞妙天尊 至眞長樂天尊 最勝妙行天尊

萬仙生因天尊 太玄虛運天尊 應慈益算天尊

智含太乙天尊 福應因緣天尊 善悟空有天尊

妙樂素華天尊 北玄玉洞天尊 化成天仙天尊

神智方便天尊 無礙等清天尊 天皇眞君天尊

道藏輯要

朝天謝罪法懺
卷八

五

柳集十三
四上上

寶珠玄妙天尊 上靈慧日天尊 慧日照明天尊

照明利貞天尊 無爲至德天尊 上洞曲素天尊

紫清玄智天尊 玉清靈眞天尊 明光妙照天尊

寶生開訓天尊 無礙洞虛天尊 瓊姿法橋天尊

冲虛三乘天尊 太眞聖王天尊 玉眞太空天尊

洞玄淨行天尊 三元威光天尊 瓊妙華彩天尊

降魔戒生天尊 逍遙玄圃天尊 法智常開天尊

淨定空會天尊 因果增明天尊 昇玄眞智天尊

變化無等天尊 上宮慧觀天尊 無窮聖眞天尊

金瓊玉寶天尊 殊勝妙寂天尊 運明寂然天尊

地皇上真天尊 虛融應體天尊 洞真玉清天尊

妙法方便天尊 玄真太元天尊 靈宮東華天尊

昇玄天皇天尊 拔苦慈會天尊 妙尊瓊林天尊

光明普洞天尊 空寂太元天尊 太空太清天尊

三元玉京天尊 朱輪妙善天尊 明光真運天尊

空洞西靈天尊 眾善高等天尊 道真八素天尊

妙樂六洞天尊 三乘玄寂天尊 鍊通妙果天尊

神悟紫清天尊 紫清元老天尊 寂然清悟天尊

靈真東華天尊 法海寶化天尊 洞元萬靈天尊

無染太玄天尊 九幽拔罪天尊 隨願往生天尊 尋聲救

苦天尊 大慈大悲救苦真人以下真人俱度真人 大惠真人

應感真人 等慧真人 無相真人 太玄真人 萬壽真人

太寶真人 無畏真人 等惠真人 金輪真人 玄上真人

法輪真人

元始上帝告諸天神仙曰吾今以此經遣清華真人齋往下方

散布萬國九州遍使人天禮誦若有信善男女修道之人或遇

本命忌辰三元八節燒香轉禮天尊真人位號醮謝地府冥官

爲上世亡魂生身父母一切宗親懺謝夙愆罪犯惡業重殃脫

落幽司解除冤結魂生福地脫化人倫神仙接引上朝太清

志心朝禮

道藏輯要

朝天謝罪法懺

卷八 六 柳集十三

酆都山北陰玄天酆都大帝

酆都山左府太陽宮注生冥官

酆都山右府太陰宮注死冥官

酆都山七非府黑劫府定罪冥官

酆都山連宛府明晨府定罪冥官

酆都山九幽府諒事府定罪冥官

酆都山陰天府定罪冥官

酆都山咸池府靈經府定罪冥官

酆都山參靈獄律令獄考鬼靈官

酆都山清靈獄九平獄考鬼靈官

道藏輯要

朝天謝罪法懺
卷八

七

柳集十三
川又上

酆都山玄沙獄河伯獄考鬼靈官

酆都山青詔獄禁罪獄考鬼靈官

酆都山玄天獄天乙獄考鬼靈官

酆都山黃天獄風雷獄考鬼靈官

酆都山平天獄虛天獄考鬼靈官

酆都山女青獄自然獄考鬼靈官

酆都山玄都獄元政獄考鬼靈官

酆都山刑政獄萬死獄考鬼靈官

酆都山泉曲獄九天獄考鬼靈官

酆都山寒氷獄鑊湯獄考鬼靈官

酆都山紂絕陰天宮洞魔王聖眾

酆都山太殺諒事宗天宮洞魔王聖眾

酆都山恬照罪氣天宮洞魔王聖眾

酆都山宗靈七非天宮洞魔王聖眾

酆都山敢司連宛天宮洞魔王聖眾

酆都山明晨耐犯武城天宮洞魔王聖眾

酆都山休明總虛天宮洞魔王聖眾

酆都山玄司重政天宮洞魔王聖眾

酆都山正眞紹靈司天宮洞魔王聖眾

酆都山玉紀明晨天宮洞魔王聖眾

道藏輯要

朝天謝罪法懺
卷八

八

柳集十三
川ヨメの

酆都山赤映雲曲天宮洞魔王聖眾

酆都山統仙昇靈希微天宮洞魔王聖眾

元始上帝再告左右侍眞曰吾今遣清華眞人降下此經散布

萬國九州普使人天傳寫轉禮爲上世亡 追薦冥福度上南

宮皆歸人道咸得長生世間若有奉道之 善信男女遇三元

八節吉日本命忌辰爲先靈七祖父母宗親修齋禮誦三清寶

號天真名位或爲亡過先祖見在親姻拜表上章放生續命廣

建福田齊同修奉異骨成親國安民豐欣樂太平崇奉禮拜皆

得度世冲妙先生燒香朝拜

金闕上帝而獻頌曰

傾心朝太極 玉帝降洪恩 天符宣地府 開度長夜魂
幽都解七祖 靈符告三官 神仙同接引 上朝朱陵天
永脫罪業根 長享福自然
太上靈寶朝天謝罪法懺卷八終

讚

元始上帝金闕至尊常乘妙法度諸靈玄玄妙議音天師真人
靈官赦罪因

大聖元始宥罪大天尊 三稱

道藏輯要

朝天謝罪法懺
卷八

九

柳集十三
一〇リ一

正一天師清微弟子百堅製作

道教學術資訊網站

太上靈寶朝天謝罪法懺卷九

爾時

元始上帝在無上大羅天中玉京金闕之內坐七寶妙臺與太上玉晨道君太上聖祖老君大集諸天一切神仙敷揚妙法廣度天人咸使得道永悟無爲是時法會中有玉清真人太極真人與諸天神仙持符執節燒香散花步虛旋繞讚歎聖德稱未聞見出班朝禮上奏至尊_臣等忝侍雲軒受任真位伏見下方一切羣生身心暗昧不識靈寶自然妙化何能救度多爲六天五傷百精九醜惡鬼廣行疫毒百病因起凶禍債主冤家口舌誹謗哭聲相續人心悲惶禱祝不正之鬼追烹血食妄說吉凶

道藏輯要

朝天謝罪法懺
卷九

壹

柳集十三
八八

留連百姓結罪三官爲十直之神司命司錄寫錄罪犯上奏天府奪其算祿減刻壽齡自死自生無由解脫或五斗星官告變災禍水旱風雨不調四起刀兵疫病死亡國主憂惶百姓塗炭無由救拔伏願上帝天慈保其國祚救度兆民光宣道化咸使羣生悟解正真盡獲超度是時

元始上帝告左右侍真曰我從無始劫來常在人間教化救度眾生使十方三界凡聖天人普使開通湛然常存不生不滅持戒誦念廣建福田救護眾生眾聖欽仰羣魔稽首刻名上清吾念眾生身心暗昧不能得聞今爲汝等說無上十戒作人天福果生死善緣積福消災獲報無量上帝告侍真曰第一戒者下

土兆民不得殺生及懷殺想故殺貪殺常行慈悲救度一切羣生觀諸眾生長如自已第二戒者不得偷盜及懷盜想常行退讓不受非義之物觀諸財寶如已之物第三戒者不得邪淫及懷姪想常行清潔觸景幽棲觀諸男女如已骨肉第四戒者不得慳貪及懷貪想常行布施廣濟貧窮平等一心無彼我想第五戒者不得瞋怒及懷怒想常行歡喜和睦寔親觀諸眾猶如赤子第六戒者不得愚癡及懷癡想常行智慧勸誘愚迷觀諸眾如已手足第七戒者不得綺言及懷綺想常行忠正內外淳和觀諸經戒常生念誦第八戒者不得妄言及懷妄想常行信實隱顯無欺觀諸人民無虛妄想第九戒者不得惡口罵詈及諸惡口常行正念不起毒心觀彼毒蛇自生毒氣第十戒者不得兩舌鬭亂親朋常行端直不起愛憎觀諸彼我無向背想

道藏輯要

朝天謝罪法懺
卷九

二

柳集十三
X上X

元始上帝告左右侍真曰吾說此戒是眾生城郭依棲屋宅能受持男女常有玉童玉女金剛力士十天善神常侍護衛左右消災度厄保命延生神仙敬仰神明護門刀兵水火虎狼毒蛇疾病牢獄賊邪精魃苦難一切災禍不干求男得男求女得女富貴壽樂所願從心智慧聰明形容端正功德巍巍不可思議若有善心男女禮懺行道持戒修善如彼寶劍能斷一切如彼法船能度一切如彼猛火能燒一切如彼淨水能洗一切自

三清以下乃至十方眞仙莫不皆持經戒也戒者防非止惡檢
敕身心降伏外魔感動靈仙得福無量

元始上帝告左右侍眞曰吾見下界眾生自曠劫以來受身爲
人只爲慳貪嗜慾飲酒食肉啖嚼無厭長此肌膚養其膿血致
生病惱彌益罪根生老病苦暑濕風寒痛癢疼酸惡風毒氣入
身染體百病來侵念念無常晝夜悲泣受生稟識各各不同日
夜循環萬生萬死或處胞胎如成膿血隨即消化或居母腹不
得出生生卽破壞雖則分娩子母暫殊卽便死亡不可稱計或
一歲兩歲乃至百年念念改張衰耗精氣頭痛肚熱苦惱相侵
一生之中無少安樂者良由廣食穢濁積滿身中酒肉熏肥蒸

道藏輯要

朝天謝罪法懺
卷九

三

柳集十三
XU

鬱藏腑惡風毒氣吹扇形體金石化消身形不久吾不飲不食
抱道自然變化無方長生不死常說經戒開度眾生凡夫愚迷
不能信受我常憂念愍痛在茲故演齋科令滅病苦又念眾生
於曠劫以來存亡二世一切眷屬在世所犯一切罪業爲五道
之神遊奕使者司命司錄察命威神錄其罪犯上奏諸天歷世
纏結不能解脫眾惡備歷望返何期今日五體投地燒香懺謝
乞削落九幽玉匱之函普使人天離苦解脫消無量罪獲無量
福

元始上帝再告左右侍眞曰下界若有奉道之流能爲水族蛟
龍黿鼉魚蜃水界甲蟲建壇禮懺誦經燒香然燈懺滌水府濕

居介族並乞天恩救拔咸使脫離鱗甲得返人道一切罪犯俱
希解釋乃命太乙救苦天尊開洞陽之宮出瓊簡金籙天尊懿
號稱揚讚嘆吟詠洞章拜表拔贖普使水族魚龍離苦解脫消
無量罪生無量福是故燒香歸身皈命五體投地

志心朝禮

玉清聖境虛無自然元始天尊

上清真境太上道君靈寶天尊

太清仙境太上老君道德天尊

太上昊天至尊金闕玉皇上帝上寧高道聖祖司命保生天尊

南極星主紫微上宮天皇帝

道藏輯要

朝天謝罪法懺
卷九

四

柳集十三

中天星主紫微中宮北極大帝

承天效法厚德光太后土皇地祇應感儲祥元天大慈聖后元君

南極長生大帝統天元聖天尊

東極青華大帝太乙救苦天尊

貞明大聖九天應元雷聲普化天尊

九天雷祖大帝除災濟物天尊

紫微碧玉宮太乙大天帝保制劫運天尊

六天洞淵大帝伏魔上上太乙天尊

六波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈真老洞清天尊

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞真天尊

上方保命護身天尊 上方玉虛明皇天尊

道有方便天尊 寶珠妙彩天尊 上道元明天尊

至德太元天尊 大慈行慧天尊 玉光素景天尊

妙尊斗極天尊 妙尊道明天尊 金慈湛鏡天尊

道藏輯要

朝天謝罪法懺
卷九

五

柳集十二
川又川

化靈寂然天尊 明空最勝天尊 至真長樂天尊

寶質法海天尊 益算聖王天尊 功德真光天尊

凝威金藏天尊 九玄運明天尊 眞品太空天尊

玉華八素天尊 丹紫有觀天尊 保命開慧天尊

拔苦眞階天尊 妙果珠晃天尊 金城妙尊天尊

運慧眞道天尊 淨雲聖王天尊 開慈元慧天尊

七眞上宰天尊 慶流因果天尊 法寶眞成天尊

普明黃庭天尊 玄虛解脫天尊 洞元高行天尊

妙觀眞虛天尊 變化玄通天尊 揚光度仙天尊

仙公道化天尊 應度聖王天尊 映光元童天尊

普大慈光天尊 慈蔭苦海天尊 法海寶恩天尊

金苑妙林天尊 一乘法橋天尊 妙樂法王天尊

散暉廣明天尊 月慧明光天尊 普度戒生天尊

萬變金宮天尊 智道高步天尊 高運化靈天尊

靈真度魂天尊 玉精真慧天尊 寶禁萬靈天尊

至真東極天尊 丹紫大帝天尊 化度仙靈天尊

常增十善天尊 淨明真定天尊 妙虛蓮開天尊

大慈梵元天尊 威真丹梵天尊 明曜妙運天尊

五老梵皇天尊 徧明上勝天尊 寶寂自然天尊

最勝悲愍天尊 仙靈玄極天尊 聖真元老天尊

道藏輯要

朝天謝罪法懺
卷九

六

柳集十三
川〇二一

因增上緣天尊 仙道無央天尊 淨開普慈天尊

靈真慈救天尊 洞源仙府天尊 神照道林天尊

東華瓊和天尊 丹明妙真天尊 天慧仁慈天尊

玄明神淨天尊 靈霞妙光天尊 廣明仙庭天尊

安漠玄光天尊 淨空普朗天尊 一切感度天尊

妙樂玉慈天尊 崑岑瓊簡天尊 真言十華天尊

解脫至訓天尊 因緣高仙天尊 妙行逍遙天尊

真光梵果天尊 眞品空浮天尊 高空本運天尊

善開慧藏天尊 神通文明天尊 度天人中天尊

寶暉法境天尊 法解紫威天尊 仙道咸度天尊

九幽拔罪天尊 隨願往生

慈悲救苦天尊

大慈大悲救苦真人以下真人位號俱悲救度真人 大惠真人

靈寶真人 度命真人 等淨真人 無垢真人 玄明真人

等成真人 等愛真人 等玄真人 無等真人

元始上帝告左右飛天神王左右神仙曰吾今出諸天尊寶號遣救苦真人齋往下方遍使萬國九州一切人民轉禮供養上消天災下禳地禍若清眞之士奉道男女或遇本命生辰三元五臘燒香誦詠醮謝諸天生死開泰福慶豐隆五苦解脫九幽放魂神仙救拔上昇天宮天人伏聽諦授訣言五體投地志心朝禮

道藏輯要

朝天謝罪法懺卷九

七

柳集十三

洞靈源福地仙官聖眾

三皇井福地仙官聖眾

爛柯山福地仙官聖眾

芹溪福地仙官聖眾

龍虎山福地仙官聖眾

靈山福地仙官聖眾

泉源福地仙官聖眾

逍遙山福地仙官聖眾

閭皂山福地仙官聖眾

始豐山福地仙官聖眾

金精山福地仙官聖眾

白源山福地仙官聖眾

鉢池山福地仙官聖眾

論山福地仙官聖眾

毛公壇福地仙官聖眾

雞籠山福地仙官聖眾

桐柏山福地仙官聖眾

平鄆山福地仙官聖眾

絳羅山福地仙官聖眾

彭觀山福地仙官聖眾

道藏輯要

朝天謝罪法懺
卷九

八

柳集十三

抱福山福地仙官聖眾

大面山福地仙官聖眾

虎溪福地仙官聖眾

元辰山福地仙官聖眾

馬跡山福地仙官聖眾

元始上帝再告左右侍真曰吾今遣救苦真人持此經下降人間散布一切兆民供養若有奉道之人遇三元八節本命生辰或爲自身供奉轉念使魂永澄正萬炁長存不經苦惱身有光明誦誦洞章虔心進禮三清寶號十大真人或追薦先亡祖考一切罪魂永度三途仙化成人超凌三界上升朱宮冲妙先生燒

香朝拜

金闕上帝而獻頌曰

金闕大聖主 天地萬靈師 慈悲洒甘露 洗滌諸塵迷

廣演空洞章 徧使悟希夷 救拔八難苦 拋離五濁泥

超度六毒海 永謝貪嗔癡 神仙同接引 逍遙上太微

太上靈寶朝天謝罪法懺卷九終

讚

元始上帝普被羣生演說十戒度人民句句聖賢心流傳法之
頂禮削罪因

大聖元始宥罪大天尊

三稱

道藏輯要

朝天謝罪法懺
卷九

九

柳集士
一〇八

太上靈寶朝天謝罪法懺卷十

爾時

元始上帝示大威神、遽布祥光、照耀萬國、山河大地、細微罪業、無不盡見。是時金華真人、玉清真人、妙行真人、救苦真人、燒香朝拜、至尊上奏言曰：「今觀下土眾生，多不信奉，恣縱身心，忘行苦毒，殺害眾生，三毒口業，罪殃深重，爲十直之神、司命、司錄，寫其罪犯，上奏天府，歷世纏結，無由解脫。禍福賞罰，毫分不差。見諸眾生在世積善、長行陰騭者，天氣蓋之地、氣載之、星辰照之；鬼神敬之、五福隨之、千災離之。或生在世積諸罪業、行諸苦毒者，天不蓋之地、不載之、星辰不照之、鬼神害之、五福遠之、千災隨之。」臣等觀見，甚可哀傷。伏願上帝天慈，大開方便，普爲救度。咸使了悟，至道出離垢濁。是時至尊告諸大真人曰：「吾憫下方世界一切羣生，猶如赤子，皆令得道，只爲眾生罪業深厚，長居不淨，恣縱情慾，多有穢污，在世生身長行淫慾，或在宮殿、星辰靈觀，行諸淫慾，或在神廟社壇，行諸淫慾，或捉人殘害，離人子母，奪人男女，別人恩愛，隔人憐念，或六親通同，或骨肉會合，或誘人奴婢，不擇妍醜，或不擇賢愚，或強抑男女，或分割夫妻，或染污出家，或裸露天地，侵凌四輩，行諸淫慾，意想惡夢，交接無所不至，放縱六情，無量無邊，結在身中，昏迷六識，精氣衰竭，罪犯深重，今日懺條，咸乞消滅。」

道藏輯要

朝天謝罪法懺
卷十

壹

柳集十三

元始上帝告左右侍真曰吾見下方男女捨身受身動意行偷盜或偷盜天尊聖像經法財物或偷盜出家法師財物或偷盜靈觀星壇財物或偷盜修造尊像財物或偷盜庄田常住財物或偷盜齋醮供養財物或偷盜廟祠鬼神財物或偷盜父母男女財物或迫協勢力財物或行官事誑諱財物或非義強抑財物或下脫矯妄財物或貪愛惜貨財物或借貸抵拒不償財物或欺負黯黹財物凌忽非義財物凡起一念偷盜不論多少無量無邊罪業隱藏在身未曾發露首謝今日燒香禮懺悔過一切罪咎咸乞蕩除

元始上帝告左右侍真曰吾觀下界眾生積財如山心常不足

道藏輯要

朝天謝罪法懺
卷十

二

柳集十三

貪愛無厭殺心運智勞苦四大畧無惠心立身在世貪心刻削或見天尊聖像生慳貪心或見靈觀經法生慳貪心或見道士法師生慳貪心或見父母男女生慳貪心或見貧窮孤老生慳貪心或見死亡殘疾生慳貪心或見牢獄枷鎖生慳貪心或見荒年饑饉生慳貪心或見行旅囚徒生慳貪心或見水火急難生慳貪心或見奴婢役夫生慳貪心或見天仙星宿不生敬心或見天尊靈壇不肯布施或見經籙齋醮不肯布施或見寫經造像不肯布施或見大聖法師不肯布施或見貧窮孤老不肯布施或見囚徒枷鎖不肯布施或見疾病困苦不肯布施或見行旅饑切不肯布施夫人生在世光陰迅速生既不將一文而

來死亦不將一文而去一朝身歿萬事皆空幾許愚痴慳貪惜畧無慈心氣散而亡七寶珍玩屋宅庫藏庄田地土盡屬他人妻子悲啼骨肉分散有何所益生存積業一一受報不忍聽聞吾又見下界眾生終日積罪造業貪毒縈心刻削孤貧畧無恤念或於天尊聖像前生諸嗔怒或見齋醮道場生諸嗔怒或見廟庭鬼神生諸嗔怒或見老病孤貧生諸嗔怒或見牢獄囚徒生諸嗔怒或見生死急難生諸嗔怒或見奴婢役夫生諸嗔怒或見孤貧求吃生諸嗔怒或見牛馬六畜生諸嗔怒如是等心業無量無邊立身處世舉心措意畧無慈忍今日皈命懺謝咸乞滅除

道藏輯要

朝天謝罪法懺
卷十

三

柳集十三

元始上帝告左右侍真曰吾觀下界眾生處世立身六識暗昧畧無片善或於天尊聖像前行諸愚痴或於星辰大道前行諸愚痴或於宮觀玄壇前行諸愚痴或於經籙道場前行諸愚痴或見道士出家行諸愚痴或見虛空聖賢行諸愚痴或見父母妻兒行諸愚痴或見天地日月星辰行諸愚痴或罵詈天地咒咀鬼神或逆叛君父不孝宗親或返福作凶立法亂常內淫骨肉外殺他人不信罪福因緣宿命報對謂自己長存不生不滅不分善惡不識賢愚不忍觀見諸大真人燒香朝拜

金闕上帝自今日已後普願下界一切眾生身口意三業併皆釋放常得六根清淨永無爭競常行柔軟心調和心慈悲心不

放逸心不傲慢心無貪悋心長行歡喜心常存不殺救護心常
行濟貧拔難心常行利物饒潤心若人行如是心卽有十天善
神衛護永消世厄散滅罪殃神仙接引皆得超度

元始上帝再告左右侍真曰自今已後下界羣生若有善士奉
道之人爲一切愚痴罪障惡業及蠢走羣毛鳥獸六畜建立靈
壇誦經禮懺然燈燒香拜表上章醮謝天地日月星辰五嶽四
瀆酆都冥官精心不退者吾遣太乙救苦天尊開北靈紫館琅
玕藏中出碧簡金文天尊懿號稱揚讚嘆吟咏洞章思真念道
乞削落九幽長夜靈官之府玉匱之函使五苦並原三途解釋
脫離羣毛返生人道高超三界永越四生是故燒香志心朝禮

道藏輯要

朝天謝罪法懺
卷十

四

柳集十三

玉清聖境虛無自然元始天尊

上清真境太上道君靈寶天尊

太清仙境太上老君降生天尊

太上昊天至尊金闕玉皇上帝

上靈高道聖祖司命保生天尊

南極聖主紫微上宮天皇帝

中天星主紫微中宮北極大帝

承天效法厚德光太后土皇地祇

應感儲祥元天大慈聖后元君

南極長生大帝統天元聖天尊

東極青華大帝太乙救苦天尊

眞明大聖九天應元雷聲普化天尊

九天雷祖大帝除災濟物天尊

紫微碧玉宮太乙天帝保制劫運天尊

六天洞淵大帝伏魔上上太乙天尊

綠波天主帝君普施法潤天尊

九天可韓司丈人朱陵度命天尊

九天採訪使應元保運妙化天尊

東方九炁天中青靈始老洞空天尊

南方三炁天中丹靈眞老洞青天尊

道藏輯要

朝天謝罪法懺
卷十

五

柳集十三
川百一八

西方七炁天中皓靈皇老洞虛天尊

北方五炁天中五靈玄老洞微天尊

中央一炁天中玄靈元老洞眞天尊

下方興大福力天尊 下方眞皇洞神天尊

積功成聖天尊 凝神照境天尊 和神利物天尊

總鑒眾靈天尊 幽照無極天尊 善斷迷感天尊

好解羅網天尊 瓊瑤寶蓋天尊 朱景洞照天尊

體悟萬行天尊 洞淵微妙天尊 萬行圓滿天尊

無量玉皇天尊 大乘空惠天尊 還功報德天尊

隱跡全道天尊 高皇洞神天尊 紫霞浮蓋天尊

法雲流潤天尊	闡揚妙法天尊	尊妙無雙天尊
玄智遠照天尊	變見法界天尊	威降慈緣天尊
湛寂體玄天尊	玉京垂惠天尊	保度應運天尊
太微光範天尊	真相具足天尊	導世無遺天尊
法緣常濟天尊	勸發無礙天尊	大光常照天尊
道炁含育天尊	降伏強良天尊	延光布像天尊
永證道源天尊	妙福無邊天尊	志節微妙天尊
常傳真戒天尊	道惠圓滿天尊	光德具足天尊
無量增益天尊	華蓋浮雲天尊	沖和淨樂天尊
玄隱無爲天尊	幽源不測天尊	永住無相天尊

道藏輯要

朝天謝罪法懺
卷十

六

柳集十三
川主

陶化四生天尊	太虛常寂天尊	紫虛觀微天尊
證真靜意天尊	紫有凝神天尊	常遊寂處天尊
信樂正法天尊	勝業潛耀天尊	默念無爲天尊
高真定智天尊	玄臺勤德天尊	羣靈普衛天尊
揮靈妙用天尊	凝神生惠天尊	乘景浮生天尊
救度八難天尊	延壽無盡天尊	寂住玄都天尊
和光隱妙天尊	渣溟神化天尊	清淨真意天尊
惠業廣德天尊	至極安樂天尊	端靜凝和天尊
最勝妙果天尊	善救世界天尊	湛相滄和天尊
百寶勝嚴天尊	廣布神化天尊	高虛最妙天尊

開化玄宗天尊 南丹暉惠天尊 朱陵寶德天尊

妙力寶王天尊 虛極垂感天尊 慈和忍愛天尊

尊貴無邊天尊 寧撫萬神天尊 宴豫景像天尊

總朝上帝天尊 玄理垂文天尊 西那靈應天尊

善道洪源天尊 雲華見相天尊 凝寂金闕天尊

善消魔試天尊 元皇真一天尊 靈應無極天尊

無滯無着天尊 玉清金像天尊 北真鍊妙天尊

無愛慈惠天尊 九幽拔罪天尊 隨願往生天尊

慈悲救苦天尊 大慈大悲救度真人以下真人位號俱首冠以大慈大悲

慈悲大惠真人 慈悲轉輪真人 玄通真人 太妙真人

道藏輯要

朝天謝罪法懺
卷十

七 柳集十三
川之×

九光真人 普慈真人 拔難真人 護命真人

救苦真人 廣惠真人 度命真人

元始上帝告左右侍真曰吾今演說天尊寶號真人名位遣救

苦真人齋此真經降下人間散布十方使一切天人解悟皆得

神仙若有奉道之民修真男女每遇三元五臘本命生辰爲上

世亡魂六親父母追薦冥福懺謝夙生罪犯咸使先靈出離苦

惱返生人道神仙接引魂度南宮存眷蒙恩獲福無量

志心朝禮

德山福地仙官聖眾 藍水福地仙官聖眾

藍田福地仙官聖眾 玉峯福地仙官聖眾

天目山福地仙官聖眾 商山福地仙官聖眾

張公洞福地仙官聖眾

魚湖洞福地仙聖官眾

中條山福地仙官聖眾

司馬海山福地仙官聖眾

綿竹山福地仙官聖眾

甘山福地仙官聖眾

瑰山福地仙官聖眾

金城山福地仙官聖眾

雲山福地仙官聖眾

北邱山福地仙官聖眾

武當山福地仙官聖眾

女几山福地仙官聖眾

少室山福地仙官聖眾

蘆山福地仙官聖眾

西山源福地仙官聖眾

南田山福地仙官聖眾

玉蟠山福地仙官聖眾

抱犢山福地仙官聖眾

元始上帝再告左右侍真曰吾今遣救苦真人齋此寶經散布

道藏輯要

朝天謝罪法懺

八

柳集十三

十方使一切人天轉禮供養爲上世亡魂六親眷屬追薦拔贖

幽魂受度仙化成人超凌三界逍遙上清若有男女奉道之流

於三元八節拜表上章虔謝

天地廣設齋醮轉禮

天尊真人寶號爲地獄幽魂羣毛六畜水族濕居一切蠢動懺

除罪犯洗滌宿殃普使拔出地戶永離鬼官轉化成人生昇超

度冲妙先生燒香朝拜禮謝

金闕上帝而獻頌曰

玉帝垂靈貺

天宣告萬靈

救拔九幽苦

廣演三洞經

名奏南丹府

魂超北寒庭

永離炎鑊獄

徑出水池城

神仙同救度

逍遙上太清

太上靈寶朝天謝罪法懺卷十終

讚

元始上帝曾被羣生演說十戒度人民句句聖賢心流傳洪文
頂禮削罪因

大聖元始宥罪大天尊三稱

道藏輯要

朝天謝罪法懺
卷十

九

柳集十三
上十一

正一天師清微弟子百堅製作

道教學術資訊網站